


26.a.7.




A
3

198


18

1
2
3
4
5
6
7
8
9
10
11
12
13
14
15
16
17
18

18.6.7-11



26. a. 7.



Bibliothecq Colag. Granat. Soc. (Sep.)

R. 2407

B. E. Coleg. S.S.

CASTRUCCI


BONAMICI

COMMENTARIORUM

(B. E. D. E. Col. Ref.)

BELLO ITALICO

LIBER I.



LUGDUNI BATAVORUM.

EDITIO PRIMA.

cl^o cl^o cc^o l.



CASTRUCCII BONAMICI

Commentariorum de Bello Italico

LIBRI PRIMI

A D
C A R O L U M
B O R B O N I U M

Neapolis, & Siciliæ Regem,

P R A E F A T I O .



IFFICILE *projecto*
est, atque arduum,
CAROLE BORBONI REX,

eorum, quæ etate contigerunt sua,
scribere historiam; propterex quod
non ingenii solum ex scribenti, sed
etiam capitis interdum, atque id
quod ego plurimi facio, existima-
tionis discrimen adeundum sit. Et-
enim cum illud maxime propositum
historico esse debeat, ut nihil non
audeat veri dicere, periculum sa-
ne est, ne certarum explicatio re-
rum necessaria potentiorum possit
animos offendere, qui assentorum
depravati blanditiis, si quid male
gesserunt non redargui memoria
scriptorum, sed defendi volunt obli-
vione, \mathfrak{C} silentio: adeo ut vel fi-
des in historico, si tempori obsequa-
tur, vel prudentia desiderari pos-
sit, si veritati serviat. Quamob-
rem melius sibi, suisque prospexit.

monumentis mihi videntur ii, qui
res a temporibus suis longe remo-
tas perscribendas suscepserunt. Nam
qui dominabantur, extinctis, re-
busque commutatis nulla scriptori
mentiendi, nulla est cuiquam cau-
sa succensendi, licetque spe, ac
metu vetustate sublatis mortuo-
rum facta, \mathfrak{C} laudare sine in-
vidia, \mathfrak{C} vituperare sine peri-
culo. Quod item nobis facillimum
factu fuisset, magnaque liberati
cura videremur; nisi gravis jam
causa impulisset nos, ut res ad
Velitras gestas conscriberemus, \mathfrak{C}
tua nunc authoritas, CAROLE
REX, accessisset, qua mandatum
nobis etiam, atque etiam esse vo-
luiisti, ut eam Italici belli partem
quæ res consequitur illas, com-

mentariis nostris persequeremur, iterque in Cisalpinam usque Galliam susciperemus, ut \mathfrak{G} locorum ubi majore ex parte bellum illud gestum est, \mathfrak{G} hominum, qui aut eidem interfuerunt bello, aut præfuerunt, explorata cognitione, naturaque perspecta, historiae nostra non minus diligentia, quam veritati consulteremus.

Ac veritatis quidem præferendæ eo vel maxime difficultas extenuatur, quod ad REGEM scribimus, qui præclara sustentatus virtutum suarum conscientia historia non horret, actionum indicem humanarum, quique eadem animi magnitudine, qua mendacis reputare adulantium solet, vera scriptorū tutabitur; neque patietur


unquam necessariam historico eripi libertatem, qua, ipso regnante, fruuntur omnes: cum piissimo, justissimoque Regi servire nihil aliud sit, quam gratissima, omnibusque bonis cumulata libertas.

Quanquam presentis temporis conscribenda historia ita posse rationem temperari arbitror, ut neque fides, neque prudentia in scribendo desideretur. Magna est enim orationis vis in utramque partem, ut neque assentatio placeat sine quodam artificio dicendi, neque sit odiosa veritas, qua lenitate sermonis aspersa in animos illabatur; nisi si quis est aut natura ita asper, ut nullam ab acerbitate sejunctam veritatem probet, aut ingenio ita delicatus, ut ne honestam quidem, \mathfrak{G}

quasi legitimam historici libertatem ferre possit. Quorum ego hominum fastidium atque insulitatem adeo non moror, ut prudentis contra, & gravis esse historici putem ejusmodi opinionibus a recta scribendi ratione non deterreri.

Sed neque mihi audiendum est aliud genus hominum, qui militari institutioni contrariam esse dicunt scientiam rerum pulcherrimarum, negantque tantum in scribendo opera, ac temporis ponere militem oportere. Nam quid hos requiri mus leves & ineruditos, cum veteres illos Romanos auctores habeamus praeclarissimos? qui ab humioribus disciplinis adeo non abhorruerunt, cum bellicis florerent tandem, ut iidem res agerent

scriptione dignissimas, iidem scribe rent. Romanorum ego industriam imitari pra me fero: utinam as sequi virtutem possem! Tunc enim non obtrectationem deprecarer, sed premium postularem; atque a Te postularem, CAROLE REX, qui nunquam profecto sobolem militum, nova instituta Academia, meque ipsum insigni beneficio ad optimas artes excitass̄, nisi armorum hanc, literarumque conjunctionem valde probares, maximeque regale duceres, iis potissimum Patrocinii Tui quasi lucem porrigere, quorum armis Regrum defendi, illusirari literis potest. Neque vero exstimare aliter potes, cum & quibus hominibus imperes, & a quibus ortus sis,



Et quos denique in lucem edideris
ipse tecum sapissime cogites. In to-
tius enim Italiae parte beatissima
collocatus a Deo, ut regnare,
versari Te profecto vides in eo-
rum hominum vestigiis, qui magni
semper in omni etate fuerunt scri-
ptores, actoresque rerum; Tuque
ipse, CAROLE REX, diffi-
cillimo tempore expertus es, non
domi fidem, Et consilium, non
fortitudinem foris, atque armo-
rum vim Siculis, Neapolitanisque
deesse. Quorum quidem hominum
regiones amoenitate cœli, bonitate
agrorum, civium nobilitate, no-
stris, vetustisque temporibus cele-
brate ideo mihi Gracium quodam-
modo respexisse, ideo Latium vi-
dentur attigisse, ut eo, in unam

veluti sedem, Et Gracorum elegan-
tia, Et virtus immigrasse Roma-
norum videatur. Quare miran-
dum non est si Gracorum, Roma-
norumque artibus exulta, Et na-
tivo quodam sensu, atque insita
felicitate Reges semper bello, pa-
ceque insignes aut acceperint, aut
ipse fecerint: minusque etiam mi-
randum est, si Tu, Optime Ma-
ximeque REX ad eos imitandos
Reges, Et superandos etiam com-
moveris. Quæ enim possederunt
ipsi, regna obtines eadem, eodem
que sanguine ortus Abavum præter-
ea habes Magnum LUDOVICUM
Galliae Regem, Et Patrem PHILIP-
PUM Hispaniae Regem præstantissi-
mum. Quod igitur a LUDOVICO
Gallia, Hispania a PHILIPPO ha-
b^b iiij

buit, ut bonarum artium Paren-
tes, atque illustrium virorum Pa-
tronii haberentur, & essent, id a
Te Italia tuis, tuorumque Majo-
rum peragrata victoriis, atque or-
nata legibus, & tua in primis po-
stulare Neapolis jure optimo vide-
batur, seque assequitam esse sum-
mopere gaudet. Testantur id cum
moles illæ objecta fluctibus, atque
hostibus, portusque manufacti, tum
omnium disciplinarum domicilium
magnifico abs Te opere exornatum:
qua duo, ut omittam cetera, quo-
ties Neapolitani vident, toties secu-
ritatem ii suam, & beneficium ne-
cessè est tuum videant, latenterque
nihil esse abs Te prætermissum, quod
ad pacis, belliique artes in civi-
tate excollendas pertineat.

Quanta vero gaudii accessio ex-
eo facta est, quod gloriari possunt
editos esse apud se Regios Liberos
tuos, qui mihi jam ab incunabu-
lis salutem innuere videntur Ita-
lia, & gentium fugam barbara-
rum. Quo autem in majorem Im-
periorum, magnorumque facinorum
spem nati sunt, eo diligentius so-
lidæ virtutis præceptis, & veterum
Romanorum exemplis imbuendi
sunt, ut ad maximas res confi-
ciendas accedant paratores. Atque
haud scio, an hoc ideo fortuna tu-
lerit, ut eo potissimum tempore na-
scentur Liberi tui, quo plurima,
ac vetustissima illorum hominum
monumenta in eodem littore e te-
nebris eruuntur, ubi in lucem ipsi
suscepti sunt. Nam eorum facta

summo sibi studio imitanda esse statuerunt, quorum levissima queque a doctis viris tanta cura conquiri, explicarique videant. Et sane ejusmodi antiquitatis studia nisi ad historiam cognoscendam, clarorumque adeo virorum imitationem persequendam referantur, curiositatis cuiusdam plenissima, sapientiae autem inanissima reperientur. Quanquam non magnopere illi quidem vetera requirent, cum domi habeant ante oculos omnium exempla virtutum. Parentes enim habent eos, qui cum regiis abundant virtutibus justitia, beneficentia, magnitudine animi, privatis non carent continentia, probitate, suavitate morum, quæ licet reconditæ, atque interiores sint, emanant tamen, multaque de iis.

narrantes egomet audivi homines nobilissimos, qui propter generis præstantiam versari familiarius cum Regibus consueverunt, propter familiaritatem autem eas facilius nosse virtutes, & quasi reducto majestatis velo perspicere possunt. At ille altera quo appellantur regiæ, propterea quod in publica utilitate, & luce versantur, majoribus ut ita dicam, theatris propositæ non egent testificatione cuiusquam. Quominus vereor, ne quis gratiæ me causa quicquam in scribendo mentiri putet, cum eo mandante Rege scribam, qui laudibus cumulatus verissimis nullis falsis deliniri potest. Ad alienam vero gratiam, quid ego respiciam, qui Tibi, CAROLE REX, debeam uni omnia? sin autem mo-

*veri gratia non possumus, metu cer-
te non debemus. Ejusmodi enim in-
gressi sumus vita rationem, ut qua-
vere, atque honeste dici possint, for-
titer, ac libere dicere ne vereamur,
nihilque præter dedecus metuendum
nobis esse statuerimus. Quapropter
omni metu, & cupiditate vacui; ea-
que libertate, quæ militem decet, at-
que historicum, qui nihil temere scri-
bat, nihil astute prætereat, tuaque sit,*

CAROLE REX, tectus auctoritate
eam Italici belli partem latinis man-
dare literis aggredimur; quæ ab Au-
striacorum a Velitris receptu initium
ducens Aquisgranensi pace, & Ni-
caensi in Italia conventu terminatur.

Opus sane memorandum, &
fortuna varietate adeo insigne, ut
victores interdum desperaverint, spe-


rare victi nunquam desierint, fero-
cissimique extiterint, qui imbellles
videbantur, omniaque fortia passi
pro libertate, atque ausi sint. Fugati,
casique exercitus, Duceisque nobiles,
expugnata urbes, direpta Provincia
leguntur etiam alibi, & exitus sunt
communes bellorum omnium. Illud
hujuscē belli, de quo scribimus, pre-
cipuum est, quod tot præliis, tot cla-
dibus, tantorumque Regum viribus
nihil fere perfectum est, quod rerum
gestarum magnitudini responderit,
non Principum ambitio sedata, non
Populorum constabilita felicitas; bel-
lum denique vehemens, atque atrox
pax repente concluserit otiosis ma-
gis optanda, & defatigatis neces-
saria, quam cuiquam opportuna,
aut gloria bellantium.



*Totum autem opus tribus Li-
bris complectemur, quorum hic
primus in tuo, REX, nomine ap-
paret. Scriptionis enim nostra fru-
ctus aliquis ad neminem prius,
quam ad eum pertinere debet, a
quo accepimus, ut scriberemus.*



CA.



CASTRUCCII BONAMICI
COMMENTARIORUM
D E
BELLO ITALICO
LIBER PRIMUS.



EPULSIS Austriacis CARO-
LUS quidem Rex, ita uti
in Commentario de rebus
ad Velitras gestis diximus,
Neapolim victor revertebatur: At
Mutinensium Dux, Gagiusque cum
Hispanorum copiis, & auxiliaribus,
quas e suo delectas exercitu illis Rex

A attri-

2 DE BELLO ITALICO,

atribuerat, se se recipientem Lobcovicium insequuntur, effectisque eâ de causâ duobus in Tyberi pontibus exercitum iv. non. Nov. traducunt. Lobcoviczius missis jam antea, qui idoneum prope Viterbium castris locum deligerent, in ea se castra septimo a Velitris die contulit; quæ quidem egregiè loci naturâ objecto monte satis edito, nemoreque denso, atque aspero muniebantur. Hæc Gagius animadvertisens, qui hostes Roncilionem erat usque persequutus, ad Falerios Faliscorum, Spoletumque subito se convertit, atque ex iis locis in Umbriam erumpere meditabatur, sperans si prior Perusiam occupasset, Lobcovicium receptu, & commeatu posse omni intercludi. Sed Lobcoviczius, cognito consilio ejus, motis extemplo a Viterbio castris, per Urbeven-

LIBER PRIMUS.

bevetanum agrum iter arripiens, & silvas inter, ac saltus properans antecesserat tam opportuno tempore, ut simul ipse Perusiam attingeret, & Hispani, Neapolitanique in Assisiensi agro cernerentur. Erat enim ex oppido Perusiâ propinquus despectus in pulcherrimam Umbriæ vallem.

Gagius in ea planicie, quæ inter Assisium, Forumque Flaminii interest, castra facit: cohortes aliquanto latius porrigi, simul plures nocturnes accendi jubet, quo ex tam late productis ordinibus, dispersisque ignibus amplioris speciem exercitus hostibus ostentaret. Suæ enim copiæ, quamquam e Neapolitanis, ut diximus, auxiliis, atque his, qui ex Hispaniis per eos dies ad oram Romanam, Centumque cellas appulerant, refectæ; infrequentiores tamen adhuc,

A 2 vix-

4 DE BELLO ITALICO,

vixque iixx. millia numero erant. Lobcoviczii autem ne xiii. quidem millium numerum explebant, insigni morborum, & perfugarum frequentia, quod in omni fere receptu accidere consuevit: multis etiam ad Aricinum nemus absumpis, & nonnullis cohortibus, quae Regis Sardiniæ auxiliarentur, in Galliam Cisalpinam summisis. Quapropter cum suorum paucitatem videret, hostium numerum multo etiam maiorem ex castrorum amplitudine arbitraretur, profectionem fugæ similem circumspectabat vehementer timens, ne intercluderetur. Itaque ne celeritati quidem satis confilus suæ, Comiti Soroo, qui suis exercitusque impedimentis praesidio ibat, magnopere mandat, ut aliquam insequenti Gagio moram inferat; dum ipse per Eugubinos montes, superato Apennino,

secun-

LIBER PRIMUS.

5 secundum Adriaticum mare in Flaminiam descenderet, inque ejus regionis oppida exercitum in Hiberna duceret. Hisce mandatis acceptis Comes Sorous, converso itinere, Nuceriam occupat, ibique consistit. Erant cum eo nongenti ferme projecta audaciâ milites ad omne facinus, atque discrimen impunitate diuturnâ, crebrisque certamiibus obdurati, perfugæ omnes, eoque aciores, ne, si in potestatem Hispanorum venirent, ad ultimum supplicium progredi cogerentur. Et jam Hispanorum, ac Neapolitanorum primum agmen a Foro Flaminii profectum instabat, & occupatis circa Nuceriam collibus imminebat universum. Neque ob id Sorous a proposito deterrebatur. Insanire hominem oppidani dicere, qui ab omnibus rebus flagitosè imparatus tam parvulis copiis

6 DE BELLO ITALICO,

copiis, nullis munitionibus, adversariorum exercitui obsistere velit; monere, ut sibi, suisque, subito discessu, consulat. Enimvero ille animo feroci, minacique vultu negat, universum adversariorum exercitum tanti esse, ut ipse fugiat; & memor eorum, quæ paulo ante Lobcoviczio Imperatori suo confirmaverat, milites cohortatus, ut nullam nisi in armis salutis spem posserent, urbem, suburbiumque, pro loco, ac tempore communxit, portas obstruit, transversas trabes viis inducit, denique nihil reliqui ad defensionem audacissime facit. At Hispani, Neapolitanique primo impetu in suburbium irrumpunt, portamque oppidi unam incendunt, neque tamen ulterius progredi audent loci difficultate, suorum cæde, hostium furore deterriti. Quibus rebus factum est,

ut in

LIBER PRIMUS.

7
ut in foro, ubi mercatum habere oppidani solent, aggere extructo, & tormentis quatuor, quæ a Foro Flaminii advexerant, collocatis, quatere oppidum, ac diruere instituerint. Tum vero atrocitate rei oppidani commoti Soroum circumsistunt, unum universi orant, atque obsecrant, ne suâ pertinaciâ ipsorum fortunas omnes deleri funditus patiatur. Ille omni re desperata, cum jam nec jacula militibus, nec vires suppeterent, simul Lobcoviczium effugisse jam sciret, colloquium petit, paratumque se dedere ait, si modo incolumitatem transfugis, veniamque impetreret. Non impetratâ, tamen ad ditionem compellitur. Ditione factâ, ipsa e vestigio ab Gagianis militibus Nuceria diripitur, Pontificis Maximi oppidum: adeo nihil in bello sanctum, nihilque

nihilque tam opportunum injuriæ, quam medium, & quietum sine armis imperium. Gagius, conservato Comite Soroo, in cæteros, uti in transfugas, lege agi jubet. Injecta continuo omnibus vincula unum querentibus, quod vitam, quam projicere in prælio per virtutem poterant, suppicio, atque ignominiae reservassent. Statim inde in castra ad Forum Flaminii abripiuntur, ibique in eos, toto inspectante exercitu, paulo severius animadversum esse videbatur, propterea quod non forte decimus quisque, uti militari consuetudine receptum est, sed quintus quisque lectus ad supplicium sit, illique ipsi milites, qui fortium beneficio supplicium vitaverant, tamen illuvie obsiti, catenatique longo, ac miserabili agmine Cajetam usque perducti fuerint, ubi qui

qui honestioris in militia ordinis erant compingerentur in carceres, reliqui ad opus, atque ad triremes damnarentur. At ii, quos extreum sequi supplicium damnatos oportebat, pars arboribus suspensi, pars jaculis confossi fædissimè perierunt. Perhorruere milites, populique præsertim lenissimo Pontificis imperio assueti tantam subito stragem, non reputantes eâ severitate militarem disciplinam contineri, & reipublicæ interesse vehementer punire transfugas. Justissimo igitur suppicio affectis transfugis, Gagius assequendi hostis spe dejectus, cum summa jam hiems instaret, distributis circum agri Romani municipia legionibus, ipse Viterbii hiemare constituit. Quo in oppido cum cæteri copiarum Præfecti otiosum ab hoste tempus ludis, scœniisque

10 DE BELLO ITALICO,

nisque contererent, ille tacitus plerumque totius Italici belli molem animo agitabat. Itaque maturius paulo, quam tempus postulabat, deducto ex hibernis exercitu quasi incertus quā progrederetur, ut sua hostibus consilia occultaret, modo se Flaminiae viæ dare, interdum Hetruriæ ostendere se veluti minitabundus, atque in eam partem impressionem facturus videbatur. Quae quidem fama erat edita in vulgus, adeoque percrebuerat, ut qui ei provinciæ prærerant, trepidarent, atque aliquot in fines Aretinorum cohortes præsidii causâ mitterent. Quanquam enim Viennensi fœdere diligentissimè cautum de Hetruriâ non turbandâ fuerat; quo fœdere Hispaniarum Regis socius, atque amicus Galliarum Rex acceptâ a Francisco Duce, quam Regi Stanislao socero attri-

LIBER PRIMUS.

11

attribueret, Lotharingiâ, Hetruriam Franciso in perpetuum addicendam, Hispano consentiente, curaverat, reque ipsâ addixerat: interdum tamen illa suberat cogitatio, quam faciles essent hominum, & cum primis Regum ad fallendum mentes; neque tam, qui Hetruriæ prærerant, Hispanos timebant, qui adventare dicebantur, quam populares, quorum ipsi adversâ, Hispani secundâ voluntate utebantur. Nam Florentinos Borboniarum partium studio omnium in Italia maxime flagrare opinio erat, vel quia Caroli Hispaniarum Regis F. adventum, ejusque benignitatis memoriam novâ nondum dominatione expulerant, vel quia Medicæorum extinctâ apud ipsos familiâ in Transalpinorum potestatem redacti servitute premi inclemiore videbantur. Vi-

B 2

tio

12 DE BELLO ITALICO,

tio etiam gentis humanæ, quæ longinqua experere, fastidire presentia consuevit. Sed Gagius, qui in Hertruriam cogitaverat nunquam, superum mare versus iter facere, ad hostemque contendere cœpit.

Quadringenti ferme vicum quendam in Flaminia, qui Catholica appellatur, infederant Ungarici equites, ibique erant ab Lobcoviczio collocati, ut Hispani exercitus conatus, atque itinera specularentur. Quem exercitum ubi appropinquare cognoverunt, eo statim loco excessere. Quo facto, qui Arimini, quique Cæsenæ Austraci milites præsidii causa erant Ungaricis se se equitibus adjunixerunt, unâque omnes ad Cornelii Forum perrexerunt. Hiemabat ibi Lobcoviczius. Hic de Hispanorum adventu certior factus, cum quæ per literas,

nun-

LIBER PRIMUS.

13

nunciosque ab Rege Sardiniae flagitaverat, nusquam adhuc apparerent auxilia, atque ipse, attritis jam viribus, multo omnibus rebus esset Hispanis inferior, educere ex hibernis exercitum, seseque properans recipere cœpit: neque prius properandi finem fecit, quam ad Mutinam perveniret, castraque ad eam urbem opportuno, & munito loco ponere.

Ipsiis enim castrorum dextrum latus ita urbi adhaerescebat, ut adactis ex arce Mutinensi telis protegi posset. Sinistrum fossâ sepiebatur, quæ derivandi fluminis causâ prope Mutinam erat non mediocrem in altitudinem depressa. A fronte munitiones Lobcoviczius instituerat optimas, easque tormentis, perpetuisque stationibus instruxerat. A tergo autem castrorum annis erat Gabellus, eoque in amne pontes

pontes effecerat tres, quo facilior es-
set in Mantuanum agrum receptus,
ex eove commodior, si nemo pre-
meret, commeatus. His rationibus
Lobcoviczius ad utrumque paratus,
seu pontibus effectis se se ulterius re-
cipere, seu communitis castris rema-
nere mallet, auxilia certe expectare,
& bellum ducere velle videbatur.
Jam vero eo magis festinare Gagius,
atque in maximam conficiendi nego-
tii spem adduci si Lobcoviczium af-
sequeretur, cumque eo configeret,
priusquam ille se se Transalpinis, &
Sardinensisibus auxiliis confirmaret. Ita-
que ad Forum Cornelii, eodem,
quo hostis, itinere properans in fi-
nes Bononiensium celerius opinione
omnium pervenit, continuatoque iti-
nere Scultennam cum omni exercitu
Flumen vado transit, ita ut humeri
tan-

tantum, summaque militum pectora
extarent, eademque usus celeritate, cum
hostium manum, quæ Spilinbergium
(in Mutinensi agro ad Scultennam
vicus est) tenebat, in fugam conje-
cisset, ad locum pervenit, qui ap-
pellatur Montalus, atque abest a Mu-
tinâ passuum iii. millia. Castra ibi
Hispani, Neapolitanique faciunt. Poste-
ro die Gagius decurionem exercitus
cum fatis validâ peditatus, atque equi-
tatus parte præmittit, qui castra ex-
ploret Austriacorum, & loci naturam
cognoscat. Quibus cognitis rebus, exer-
citum confestim in eam partem adduce-
re, ubi item est in agro Mutinensi vi-
cus, quem Bonumportum appellant,
atque inde in hostium castra triplici
instructo agmine irrumpere, eodemque
tempore, summissis militibus, atque
operis, quæ cum iis ratibus, quas
carris

carris devehebat, pontem in flumine Gabello extemplo perficerent, hostes ab tergo adoriri Gagius meditabatur, ancipiti ipfos prælio distractos facilius opprimi posse sperans. Hæc cum ille cogitaret, atque ageret maxime; ecce subito ab Hispaniarum Rege nuncius apparet cum literis: debere Philippum Regis F. in Genuensium fines quamprimum se conferre; properaret cum illius exercitu suum Gagius conjungere, omniaque posthaberet. Quibus literis acceptis aggrediendi hostis consilium depositum est, susceptaque de itinere, concilio statim advocato, deliberatio.

Dux Mutinensium concilio, summaque rerum imperatorio nomine præterat. Is rectâ eundum Novas esse arbitrabatur, Genuensium oppidum in Galliâ Cisalpinâ plenum, atque opulent-

kentum, & Philippici exercitus propinquitate opportunum: assuetum se se iis circum Mutinam locis; non viam se certe nosse ullam aliam, qua exercitus ire, impedimentaque supportari possint: sibi quidem persuaderi magni animi rem esse, magnæ difficultatis propter asperitatem viarum, hostis propinquitatem, occultandi consilii desperationem: sed nihil esse virtutis arduum; cumque Regi parendum necessario sit, entendum esse ajebat, etsi aliquo accepto detimento, ut eo, quo Rex juss erit, mature cum exercitu perveniat. Porro erant, qui Bononiam statim, atque in Pontificis provinciam regredi censerent, quod facilem ibi commeatum, iter denique non incommodum ad inferum mare, Cosarumque oram esse arbitrarentur, &

salvum inde exercitum cum omnibus
impedimentis unâ in Liguriam navi-
gatione posse transmitti demonstra-
bant. Gagius utramque improbabat
fententiam, quantum alteri deesse con-
sili, tantum alteri superesse animi
dicebat. Qua enim fiducia, aut qui-
bus copiis Novas perveniendum?
lxx. circiter millia passuum interce-
dere itineris asperi, atque difficilis:
ipsum a Placentia Apenninum tran-
scendendum: subesse rivos, amnes,
nobilitatum Gallorum fugâ, victoriâ
que Tarum, Romanorum clade Tre-
biam; tempus adversum, maximas
aquas, longum iter, & corruptum,
impeditum agmen: instare ab uno
latere hostes, qui agmen assidue no-
strum peragitent; ab altero montes
assurgere gelu, pruinaque oppletos:
vix quinque dierum cibaria superesse:

in

in tantis angustiis ecquam esse mili-
tibus spem inopia, & laffitudine
confectis, montibus, atque hoste cir-
cumclusis? magnopere se quidem
Mutinensium Ducis perspectam jam
in maximis rebus laudare virtutem,
cui nihil arduum videatur: sed esse
in bello non minus consilio, quam
virtuti locum, eaque propter caven-
dum esse, ne temere progressis, aut
certum exitium, aut turpis impen-
deat exitus. Reditum vero in Pon-
tificis provinciam quid habere, nisi
inopiam cibariorum, & militum fu-
gam, & discrimen omnium rerum?
Ecquam enim fore copiam, si loca
repetantur nostrorum, hostiumque
inveteratis jam castris exinanita,
atque exhausta? milites autem, qui,
cum ad hostes itur, alacres, atque
erecti vadunt, demittere, cum rece-
datur,

C 2

20 DE BELLO ITALICO,

datur, animum, & factâ receptus
mentione, statim de fugâ, victoriæ,
prædæque desperatione incitatos cogi-
tare. At illud, cuius tandem con-
siliî esse? Neapolitani Regni robur,
Hispanorum florem, totius belli spem,
atque eventum mari, & fluctibus
committere? præsertim cum omnia littora,
portusque tanta diligentia a Bri-
tannicis classibus asserventur. Postre-
mo afferre se, quod tutius, atque
explicitius consilium videatur. Præ-
missurum enim statim Bononiam Pin-
caronium Præfectum Fabrûm firmo
cum præsidio, qui ea via celeriter
tormenta omnia, & quidquid in exer-
citu gravis, atque infirmi est, in He-
truriæ maritima adducat, indeque
idoneam noctus tempestatem, & Li-
gusticam oram legens neque ad unum
locum appellat, neque uno commeatur;

quo

LIBER PRIMUS.

21

quo fallere melius Britanos, atque
effugere possit. Ipsum interim, qua-
proximum est iter, cum expedito, ac de-
lecto agmine per Apenninum, Lunen-
semque agrum in Genuensium fines
perventurum: neque defuturos exercitui
commeatus, cum, trinis viæ castris
superato Apennino, Lucensium cam-
pi occurant integri & fertiles, qui
pabulo, frumento, pecore, & omni
rerum copia juvare exercitum queant.
Hæc vicit in concilio sententia; cu-
jus sententiæ hæ erant certæ oppor-
tunitates, quod præmissa tormenta ab
omni hostium impetu, Pincaronii ce-
lerrima profectione defendebantur;
quem assequi cum unius diei iter an-
tecederet, illi profecto non poterant;
& quod oppositus obstabat Apenni-
nus, quominus reliquum insequeren-
tur exercitum. Neque præterea veri-
simi-

simile erat Lobcoviczium a Gallia Cisalpina, atque ab Rege Sardiniae longius abduci velle, animis Genuensium tum incertis, atque Philippi, Gallorumque copiis ingruentibus.

Gagius cum omnem in celeritate positam rem videret, concilio vix dimisso, tormenta, atque impedimenta omnia silentio prima nocte ex castris Bononiam confestim præmisit, ac conquiescere ante iter confectum vetuit. His Pincaronius Præfектus Fabrūm cum equitum, peditumque millibus v. missus præsidio est. At ille cum ad Scultennam amnem pervenisset, qui ea nocte ex maximo imbre admodum creverat, simul iis temere credens, qui vado amnem transiri posse negabant, iter supprimit. Quod ubi Gagius cognovit decurionem statim exercitus misit, qui homi-

hominem severius commonefaceret, uti acceleraret. Quo facto vadum in flumine repertum est. Periculum erat, ne, si tam subitam Lobcoviczius profectionem sentiret, multo breviore itinere Pincaronium affequeretur, eumque interciperet. Ita unius hominis socordiā parum abfuit, quin tormenta omnia, atque exercitus impedimenta in hostium potestatem venirent, totiusque rei consilium deperiret. Interea Gagius cum expedito agmine e conspectu Austriacorum evolavit. Lobcoviczius Pincaronii profectionem non senserat, Gagium vero ne profectum quidem esse existimabat, sed eo tantum excessisse arbitrabatur, ut paulo ultra eum locum castra transferret. Qua de causa, primi diei mora illata, deinceps, reliquum frustra laborem suscipi intelligebat,

gebat , cum jam neque Pincaronii iter demorari , neque Gagium consequi , neque etiam extreum ejus agmen carpere posset . Dicitur eo tempore Lobcoviczius tantam esse celeritatem , reique militaris scientiam in ipso hoste admiratus . Ea est magnorum facinorum vis , atque species .

Apennino , qui ab alpibus maritimis , supraque Genuam initium ducentis , omnem Italiam discriminat , ii quoque montes annexuntur , qui Mutinensem agrum meridiem versus a Lucensi dividunt , Balista quondam , & Letus apud Romanos appellati , nunc a peregrino quodam , quem summo apud Scotos loco natum austere , & solum plures ibi annos vixisse ajunt , D. Peregrini montes dicuntur . Ferebatur eo Gagius triplici instructâ acie . Facile a principio

cipio iter , atque amœnum . Colles asurgebant leniter acclives . Ubi ad aspera , ac montosa ventum est , sarcinaria omnia jumenta defecere , adeo ut cibaria ipsi sibi milites supportaverint . Accidisse id satis constat eorum improbitate , qui vecturas de Regibus redimunt ; propterea quod , ut suo privatim compendio servirent , jumenta conemerant macie corrupta , neque ad superandos montes idonea . Atqui ejusmodi ærarii depopulatores , posteaquam ex egestate , ac sordibus permisso jam latrocinio emerserint , ad opes , atque ad honores obrepunt non sine Regum pernicie , & justissimâ populorum querelâ . Cum , uti dictum est , in tres partes distributus Gagianus Apenninum superaret exercitus , dextera quidem , sinistraque pars , quod molliore itinere montem circuibat , facile

cile progrediebatur. At media acies, in qua Dux ipse Mutinensium, & Gagius erant, loci iniquitate, misere admodum divexata est. Nam quod duces itineris nocta esset imperitos, per devia, atque asperiora incedebat, nullumque neque ordinem, neque imperium servare poterat, & quod rectâ montem adversus peteret, ægrius necessario ingrediebatur, quâque difficilior erat aditus, atque præruptior. Tum iii. ferme millium passuum via adeo gelu constrata erat, ut, nisi discessâ glacie iv. in altitudinem pedum, insistere miles non posset, & complures nihil secius prolaberentur, præcipitesque agerentur per lubricas illas montium altitudines. Ipsi ante primos ordines ibant Imperatores, Dux quidem Mutinensium pedes, Gagius vero, cum podagræ doloribus ureretur,

tur, equo insidens, & cohortabantur suos, ne labori succumberent, neve animum tot præliis, atque hostibus invictum in tantulo non facillimi itineris spatio desponderent. Imperatorum vocibus, atque exemplo tantum militibus incessit itineris conficiendi studium, ut in summum jugum incredibili labore, ac perseverantiâ conriterentur; ex eoque properantes descenderent, atque ad Castrum novum, qui non ignobilis in illis montibus vicus, & totius Capheroniæ provinciæ caput est, subito pervenirent; adeo ut qui Montis Alphonsi arci, quæ vico imminet, præsidio erant Austriaci milites, cum nihil tale suspicarentur, & incuriosè observarentur in foro, prius captani arcem, seque captivos senserint, quam approxinquare hostes cognoverint; quorum

indiligentia Gagianis admodum profuit: Nam parva licet arcis oppugnandæ mora maximo fuisset ipsis detrimento, cum necessariis omnibus rebus egerent, atque extremâ jam fame laborarent.

Tanq[ue] improvism, tamq[ue] difficile per Apenninum Gagii iter cum late fama vulgasset, magna apud otiosos rerum æstimatores controversia extitit, cum alii temeritatem hominis carperent, qui suas eo copias conjeccisset, ubi esset ipsis, & fame, & frigore pereundum; alii virtutem, atque immensabilem difficultibus animum extollerent, Annibalique alpes perrumpenti adæquarent. Ita, variantibus hominum studiis, sententiæ quoque variantur, deque rebus nemo confidentius judicat, quam qui eas ignorat. Ego sicut non parum virtuti tri-

buerim

buerim Imperatoris, ita non multum e consilio detraxerim, quod præsertim fortuna comprobarit. Fœda enim tempestas, quæ per eos ferme dies cooriri constanter in iis locis, atque ingentem decidentium nivium vim circumferens, deprehensos in itinere homines opprimere solet, cum vix milites ab Apennino descendissent, subito, vehementissimeque insurgere cœpit: ita ut exiguo tempore magno casu totius exercitus salus constiterit.

Captâ Montis Alphonsi arce, Luccensium finibus appropinquabat exercitus, quod ubi est auditum, insolentes homines belli, &, quorsum tam repentinum, atque ab hoste, ut videbatur, diversum iter evaderet, ignari (id quod in ejusmodi rebus necesse erat) perturbati vehementer sunt. Nam quanquam usitato jam a principio belli

belli instituto Reipublicæ prudentissimo parem Lucenses Austriacis, Borboniisque voluntatem ostenderant, nihilque fecerant, dixerantve, quod alteros contra alteros juvaret: tamen prudentiæ non semper fortuna comes per idem ferme tempus tulerat, ut homines a potente quodam Româ summissi, Hispaniensem in agro Massensi tabellarium deprehenderent, ac dispoliarent, & publicas potissimum literas interciperent. Quo facto in fines se se Lucensium receperant; atque eos qui Montignosii oppido præerat, cum apud illum de injuria, quam sibi factam esse a latronibus putabat, vehementer esset tabellarius conquestus, comprehendenterat, præfectoque arcis custodiendos trahiderat, Senatumque eâ de re certiorum fecerat. Senatus, quod eos latro-

trocini insimulatos, latrones esse existimaret, literas quidem tabellariorum confestim reddi, ipsos in vinculis habendos videri censuit. Postea vero quam illi diplomata ostenderant, quibus eos esse milites compertum est, Senatus cum omnia ubique hostibus in hostes licere jure belli intelligeret, cumque non in sua provincia facinus admissum esse constaret & literis redditis satis Borboniis factum esse arbitraretur, Austriacos milites solvi extemplo, liberosque abire iussit. Erat æquitatis, & prudentiæ consilium plenissimum. Non defuerunt tamen, qui literis, nunciisque Senatum apud Reges populari inducti rumore criminarentur. Adeo nihil est a calumnia intactum, multoque plures sunt, qui reprehendant, quam qui laudent.

At ne in animis Regum utriusque partis suspicio hæreret falso injecta, ad Reginam Ungariæ Carolus Mansius, ad Regem Sardiniæ Johannes Sardinius, Neapolim Laurentius Deodatus, atque in Hispaniam usque Andreas Sbarra ex S. C. missi sunt, eisque mandatum, ut Reipublicæ causam Regibus probarent. Harum vero legationum exitus adhuc erat incertus, cum, uti diximus, Licensium finibus appropinquaret exercitus, civitasque suspensa metu, ac sollicita esset. Cum autem in timore multa fingantur impunius, omnia credantur facilius, eo factum est, ut nonnulla temere vulgata timere Lucenses cogerentur, quæ quidem non timuissent, si conscientiæ potius suæ, quam temporum rationem habuissent: ne videlicet Reipublicæ vis aliqua infer-

ferretur, neu milites in eorum agris maximo cum detimento diutius verfarentur, neu denique multa necessario quodam armatorum hominum impetu acciderent, quæ ne prudentiâ quidem corrigi possent. Augebat timorem, quod nullæ Ducum essent literæ, quæ de ipsorum adventu certiorem Senatum facerent, itaque inimico animo adventare magis, magisque dicebantur.

At Lucenses, ut aliquam in repentino tumultu dignitatis, ac salutis rationem habere viderentur, Montanos, qui in eorum ditione sunt, genus hominum militiæ aptum maximè, summâque erga Rempublicam fide cognitum ad se vocaverant, eos armaverant, custodiendæque urbis sexviros creaverant. Interea Imperatorum literæ venere adventum nunciantes. Ita-

que paulo quietior Senatus Franciscum Bernardinium ad Borbonii exercitus Imperatores, & Ducem impensis Mutinensium misit, qui eos ad Castrum usque novum in castris conveniret, diceretque: egregium semper fuisse, & esse erga Borbonios Reges Senatus Populi Lucensis animum: minus ob eam rem se se ab eorum adventu timere, quos optimâ fide dilixerint: esse potius, cur gaudeant, venisse tempus, quo suam Lucenses erga Borbonios voluntatem verbis toties, legationibusque testatam, re tandem ipsa declarent: nihil ea propter esse, quod in eorum potestate sit, quod non ipse fortissimis Imperatoribus ex auctoritate Senatus polliceri & repræsentare etiam possit. Illi tam liberali oratione, promissorumque spe deliniti, cum exercitum haberent fri-

gore,

gore, fameque fere enectum: non sibi, non Regibus suis in animo esse, responderunt, quicquam adversus Rem publicam moliri: militarem tulisse rationem, ut necessario per eorum fines iter facerent: curarent ipsi, ne commeatus deessent: se se daturos operam, ut milites sine maleficio, & injuria transeant. Quibus rebus cognitis, omnis Senatus cura eo conversa est, ut commeatibus extemplo consulentur, utque Cives eligerentur idonei, qui ea diligenter curarent, quæ ex usu Borbonii exercitus esse cognoscerent. Quo facto ex omni agro, & viro, pabulum, & cibaria in Borboniorum castra comportabantur, omniumque rerum copia portabatur undique, atque agebatur plenissimis viis. Idque eo erat mirabilius, quod Lucenses angustis agris, minimeque frumentariis

utantur; tempus autem esset anni difficillimum, quo neque frumenta in horreis sunt, neque multum a matu- ritate absunt; & milites, qui in flo- rentissimis provinciis in maximis se- fuisse difficultatibus recordabantur, non sine summa admiratione videbant di- ligentia, ac fide parvas augeri res posse, magnas contra dilabi, si pravè administrentur. Cum Hispanus, Nea- politanusque exercitus ad sextum ab op- spido Lucâ lapidem pervenisset, Senatus eo statim Cæsarem Santinium profi- cisci jussit, qui cum Duce imprimis Mutinensium, cæterisque Imperatori- bus ageret, quemadmodum ex officio ac dignitate Reipublicæ esse intellige- ret. Quibus rebus confectis ita a Lu- censium finibus discessum est, ut mi- litibus Lucenses, Lucensibus milites accepti essent; Reipublicæ in admini- stran-

strandis rebus solertia ab omnibus col- laudaretur; Neapoli autem, atque in Hispania Legati ejus comiter ab Ré- gibus acciperentur: & qui jam veri- tate rei commoti, Legatorumque of- ficiis secundum Rempublicam judica- verant, tum vero his auditis, omnem de tabellario suspicionem ex animis delerunt suis.

At Gagius nihil in itinere mo- ratus per Lunensem agrum Sergianum pervénit, primum quod est ab ea parte venientibus Genuensium Op- pidum. Quatriduum ibi subsistere pla- cuit, dum in flumine Macrâ pons ef- ficeretur, & allevarentur milites, quos longum ex Mutina, atque arduum inter Appennini tramites, infestumqne nivibus, & pluviis iter divexaverat. At magnâ Gagius solicitudine affie- batur, novis subinde difficultatibus obiectis.

Ma-

Macra vicinis montibus rapidum flumen, tuncque etiam ex nivibus, imbribusque maximum erat; & pons in eo confieri difficilis propterea videbatur posse: loca excipiebant horrida, & saltuosa, latebrisque, & silvestribus tramitibus prærupta, quo certe ex militari progrediendi consuetudine, atque ordine adiri non poterat, idque erat incommodum, & periculosum maxime cum præfertim Austriae, si ab Apuanis montibus descendenter paucis immissis equitibus, omnem male habere exercitum, & facile etiam possent errantem, & defatigatum opprimere. Ac jam ut nullus ab hoste metus esset, non pabulum in vastis locis, atque inanissimis non frumentum erat: non denique certus tam incerti itineris dux. Una omnium erat in Genuensibus rerum spes, quorum

rum obscura adhuc voluntas, & conscripto nuper exercitu suspecta videbatur. Infirmæ erant Hispanis, Neapolitanisque copiæ, v. millibus cum Pincaronio distractis, compluribus labore confectis, nonnullis fugâ dilapsis. Philippus vero Hispaniarum Regis F. sociique Galli, quibuscum se se conjungere Gagius properabat, adeo non properabant ipsis, ut incredibili torpescere morâ viderentur. Erat ipse præterea Gagius sive ætate, sive naturâ, sive etiam consiliorum, quæ omnia semper ab Hispania usque afferebantur, expectatione cunctator, magisque timens adversa, quam sperans secunda, adeoque omnia consilio tribuens, nihil ut fortunæ relinquere videretur velle, quæ tamen in bello plurimum potest.

Sed cum esset Gagius in quibus

bus demonstravi curis, atque angustiis, multaque hominem sollicitum haberent, atque anxium: commodum ad eum, & Ducem imprimis Mutinensium Genuâ venit missus ab Senatu Josephus Auria, qui bono illos esse animo juberet, & pacata omnia ab Genuensibus, benignaque ipsis, militibusque eorum ex auctoritate renunciaret. Missus unâ cum Josepho Auria Vinsonius fuerat Trib. mil. in exercitu Genuensi, illarumque peritissimus homo regionum, qui Hispanos, Neapolitanosque faciliore per montes, saltusque duceret viâ. Hoc primum in illo itinere Gagii animum erexit, ex eoque primum fieri quædam ad meliorem spem inclinatio visa est. Simul omnibus locis commeatus imperabantur, describebantur vecturæ, frumentumque, & pabulum

(quod

(quod erat tamen perexiguum) comportabatur, nihil denique reliqui ad opus, patientiamque Ligures faciebant: Qui industrii homines, ac diligentes, quod plerumque in sterili agro evenit, multâ duritie, improboque labore naturam vincere velle locorum videbantur. Nunciatur etiam Gagio discessisse a Mutinâ Lobcovicius, cuius discessu futuros Austriaeos ad insequendum tardiores videbat. Jamque tandem Philippus, & Galli parare iter dicebantur, & pons, qui demissis in flumine trabibus bipedalibus, & conjunctis inter se lintribus properabatur, penè erat perfectus. Itaque cum de hostibus, deque sociis ea, quæ optabat, audiret, & Genuensium copiis exercitum sublevari suum posse non nequicquam speraret, exquisito per Vinsonium itinere

F

nere

DE BELLO ITALICO,
nere non diù commorandum sibi esse
Gagius existimavit.


Interim Lobcoviczius, quem supra demonstravimus delusum a Gagio fuisse, hoc incensus ludibrio, cum bellum etiam fastidiret, quod inopiâ supplementi, ac pecuniæ haud quam administrari ex sententiâ posse videbat, relictis ad Mutinam castris, Mediolanum contendit. Et palam quidem evocari se illo Mediolanensis provinciæ, cui præerat, procuratione necessariâ dictitabat; clam vero cum Lucâ Pallavicino colloqui, eumque sibi omnibus conciliare modis meditabatur. Hunc jam inde a principio belli Veltorni iratum sibi æmulatione imperii, & opinionum dissimilitudine, & quem Viennam tunc cogitare acceperat, exulcerato discedere animo nolebat. Ipsum esse cupidum rerum novarum,

ma-

magni ingenii, magnæ etiam apud Reginam propter libertatem quandam ingenuam sentiendi, & Taroccæ Comitis Lusitani gratiam authoritatis cognoverat. Itaque dissimulans quam poterat humanissime appellabat, eumque facilitate, obsequioque illicere ad benevolentiam conabatur. Non tamen facere potuit, quin Viennam ipsi proficiseretur infensus, ibique italici belli incommoda omnia in unum conferri Lobcoviczium oportere diceret, cuius in imperio socordiam contemnerent hostes, acerbitatem horrescerent milites. Quæ cum Pallavicinus vocifera-
retur, amici autem Lobcoviczii, ut plerumque fit in calamitate, filerent, cumque ipsius in bello infelicitas non levissimum in Imperatore peccatum, admodum vulgo carperetur, Regina de successore deliberare instituit. Quâ

F 2

ille



ille re cognitâ, provinciam bellumque reliquo deinceps tempore administravit ita, uti solent ii, qui successorem expectant.

Principe Lictestenio, qui Lobcoviczio succederet, delecto, exercitus, quoad ille veniret in castra, traditus Comiti Sculemburgio est.

Statim Sculemburgius per Apuanos montes equitum, ac peditum levis armaturæ partem mittit, qui Gagii iter cognoscant, infestumque excursionibus habeant: ipse cum omnibus copiis, quæ Germanicis nuper, & Sardiniensibus adauctæ subsidiis esse ad hominum millia xx. dicebantur, per agrum Parmensem, ac Placentinum iter fecit, castraque ad Novas, quod esse oppidum Genuensium diximus in Galliâ Cisalpinâ, locavit: ut Genuenses quocunque animo es-

sent,

sent, scirent Reginæ Ungariæ exercitum versari in finibus suis, & Sardiniae Regem socium, atque amicum maxime conjunctum haberet, cuius consilio, atque opibus adjuvari se posse arbitrabatur: Castra autem opportuno loco essent ad commeatus parandos, omnemque Cisalpinam late Galliam tuendam.

Properabat Gagius, ut quamprimum Macram trajiceret, ne in ipso trajectu occuparetur ab hostibus, quos Mutinâ profectos magnis Parvam versus itineribus contendere audierat. Itaque, ponte perfecto, signum datur profectionis. Cum subito aquæ magnitudine, ac rapiditate amnis, maximo noctu coorto imbris, pons interrumpitur. Erat enim pravè institutus; propterea quod immisæ in alveo trabes bipedales, de quibus

ante:

46 DE BELLO ITALICO,

ante dictum est, non satis erant fir-
mæ ad vim fluminis refringendam,
quod præsertim proximo ex Apenni-
no decurrens majori se se impetu in-
citaret. Quæ res quam dedit hosti-
bus ad insequendum facultatem, no-
stris ad exercitum celerius transportan-
dum ademit. Postridie ejus diei, qui
fuit dies ad v. non. Maj. noster
transduci exercitus eo festinantius, at-
que ipsis urgentibus Imperatoribus
cœpit, quo constantior de adventu
hostium fama perferebatur. Ratio,
ordoque agminis erat ejusmodi. Præ-
cedebant agmen equites, peditesque
levis armaturæ, qui totius exercitus
impedimentis, quæ in primâ acie
agebantur, præsidio erant. Inde in
primâ item acie peditatus, & equi-
tatus ferme omnis progrediebatur;
tum secunda acies ex legionariis tan-

tum

LIBER PRIMUS.

47

tum militibus confecta sequebatur,
quam Reginæ Hispaniensis Manus,
Regiique equites, & Pyrochitropho-
rum centuriæ aliquot cludebant.
Multo denique die & nostri exercitus
prima acies transierat, & Austriaci
cernebantur, qui amplius octingenti,
Gorano Duce impigro homine, atque
audace, præmissi a Sculemburgio,
qui nostrum agmen laceſſerent, ab
Apuanis montibus descenderant. Na-
cti quedam propter amnem Macram
ædificia, quorum muris defenderen-
tur, subito nostros, qui citra flu-
men erant, adorti sunt illud speſtan-
tes, si eos ab reliquo abſcifſos exer-
citū prohibere transitu, aut, ne pon-
tem interrumperent, impedire poſſent.
Id cum animadvertisſet Comes Se-
vius Legatus, qui ſecundæ aciei præ-
erat, quæ quidem acies angustiā
poni

pontis , & dissensione militum di-
versarum nationum paulo tardius pro-
cesserat , Gorano Pyrochitrophorum
centurias octo opposuit , quæ virtute,
ac perseverantia tantum profecere , ut
hostium impetum substinerent , & quie-
tiorem nostris transitum darent ; ipsæ
demum multis illatis , & acceptis
vulneribus se se ad agmen reciperent .
Imminebant nihilominus hostes , atque
instabant acerrimè ; jamque pontem
ingressi , qua noster erat traductus
exercitus , sese quoque transituros mi-
nitabantur . Sed repulsi multitudine te-
lorum , quæ ex dispositis in adversâ
ripâ tormentis quatuor sine ullâ in-
termissione trajiciebantur , temerario
destiterunt incepto . Relinquebatur ,
quoniam exercitus partem transeuntem
prohibere non potuissent , ut pontem
interficiendi prohiberent , idque cona-
ban-

bantur . Nam jaculis nostros submo-
vebant crebrerrimis , nonnullosque subi-
re ausos interfecerant , plurimos vul-
neraverant . Cunctantibus eâ de causâ
nostris , languidiusque ad opus ve-
nientibus , unus de exercitu Neapoliti-
ano Signifer legionis Hibernicæ , quem
postea Carolus Rex hujuscæ facinoris
causâ ab inferiori ordine ad Centu-
riatum traduxit , non suorum cæde ,
non periculi magnitudine deterritus
cum quatuor omnino militibus pro-
ruperit audacissime , & inspectantibus
trans ripam hostibus , inter tela , jacu-
laque pontem rescidit . Quo facto ,
ipse cum suis se se ad exercitum in-
columis adnando recepit . Ut quan-
tum ad periculum adeundum auda-
cia , tantum , quæ plerumque adjuvat
audaciam , fortuna ad vitandum
valuisse videretur . Traducto exercitu

Gagius resciſſo ponte, atque hostibus repressis ante primam confeſtam vi- giliam Spediam eodem die venit. Id oppidi nomen est. Hoc fere est in intimâ portus Lunensis parte pofitum. Hujus amplitudo portus, ac pulchri- tudo nulli non cognita naviganti eſt, qui duobus eminentibus promonto- riis continetur, objectamque habet insulam, quæ illum ab effervescentiis matis impetu, & quibusdam protegit ventis.

Postero die Gagius nuncios ad Philippum celeriter mittit, quibus re- gionibus eſſet, & quid militum fe- cum haberet: negavit cum iis in Galliam erumpi Cifalpinam posse: orat, ut acceleret. Ipſe præmissis ad hominum millibus iii., qui ad Se- gestam Tiguliorum aditus occupa- rent, ne qua fieret ab ea parte in- diffi-

difficillimo itinere irruptio hostium repentina, per illam Ligustici maris oram, quæ ad Orientem eſt, iter facere cœpit.

Erant, ut ſupra demonſtratum eſt, loca aſpera, & ſaltuosa, anguſtisque trahitibus, altiſſimoque in ma- re deſpectu horrida, & quod eas ad regiones pertinerent, in quibus hostes verſabantur, valde infesta, ac ſuſpicioſa. Erat præterea ſumma ino- pia pabuli & propter ipſius agri naturam, & quod anguſtius noſtri pabulabantur, adeo ut pabulo mari ſupportato, hordeoque, & quacun- que ratione poterant tolerare equos cogerentur. In his anguſtiis Gagius, cum prope Segeſtam Tiguliorum in arduâ neceſſario ſubtitiffet convalle, & quacunque procederetur iniqua, Josephum intuens Auriam, qui Im-

peratores nostros officii causâ professebatur, non iis se certe locis commissurum fuisse dixit, nisi plane Genuensibus consideret: Tum Auria, recte, inquit, Imperator, Genuensem te fidei commisisti, quibus jam uti sociis, atque amicis potes; secretoque illum de Genuensem cum Borboniis facto jam pridem in Hispaniâ fœdere monuit: Tumque primum de fœdere isto Gagius cognovisse dicitur. Nam ante id tempus rumore potius quodam, cui servire Imperatorem non decet, percrebuerat, cum Borboniis consentire Genuenses, quam pro certo posset afferri. Hoc quidem nuncio, auxiliique Genuensis spe confirmatus reliquum confidere iter pergebat, eoque alacrior, quod multum de insequendi contentione ipsi jam hostes remiserant,
qui

qui satis habebant minoribus nos subsequi itineribus, & rari tantum, dispersique in summis procul jugis apparebant, ut nostrum observare iter, non demorari velle viderentur.

Atque hic non alienum videtur Genuensis belli causas a principio proponere, tum quod, cognitis causis, reliqua facilius intelliguntur, tum vero, quia res ea est, adeoque celebrata sermonibus, ac literis omnium gentium, ut scriptionem paulo diligentiore, atque in parte operis procemium quasi quoddam postulet. Nam bellum Genuense tanti momenti fuit, ut maximam non modo Italiam, sed omni etiam Europæ consiliorum, atque rerum commutationem attulerit; tantâ autem virtute gestum est ab eâ Republicâ quæ longâ

longâ defes pace videbatur, ut vetustis Romanorum temporibus gestum videatur; sic a nobis porro integre, sincereque narrabitur, ut non magis apud posteros habiturum sit propter rerum magnitudinem admirationis, quam fidei propter veritatem.

Belli causa Finarium fuit, opportunissimum ad Ligusticum mare oppidum. Carrettii generis homines antiquitus habuere. Genuenses porro, qui eâ tempestate Orientis opibus clari, ac potentes habebantur, oppidum a Carrettiis alias pretio, alias foedere, aliquando etiam jure belli receperant, receptumque iis, cum terrestre ipsi Imperium in Orientem distracti fastidirent, imperatis certis rebus condonaverant. Perlongo deinceps intervallo gravissimæ inter Finarienses, & Alphonsum Carrettium

Re-

Regulum controversiæ obortæ sunt, cum indignarentur illi avarè sibi ab Alphonso, adeoque superbè imperitari, ut ferendus non videretur. Hic contra Finarienses insanire diceret, qui rebellione factâ ab Imperio, obsequioque discederent. Finarienses Genuensium, quorum in vetustissimâ clientelâ erant, opem implorant: Alphonsus Cæsarem adit, eumque orat, ut pro sua Imperiique Romani auctoritate seditionem comprimat. At illis omnibus jure inter se diu, multumque disceptantibus, subito Gabriel Cueba, qui pro Rege Hispaniæ Mediolanensem tunc provinciam obtinebat coactâ militum manu, Finarium armis occupat, idque propterea factum esse pronunciat, ne Galli Hispanorum eo tempore hostes per causam dissensionum ad oppidum obren-

perent.

56 DE BELLO ITALICO,

perent. Cæsar Imperatoriam in eo Majestatem minui prædicabat ; nec Genuenses, ad quos oppidum pertinebat, hâc acceptâ injuriâ Senatus-consultis, legationibusque sibi deerant. Sed cum Cæsari neque animi, neque virium satis esset ad jus suum perse- quendum; Genuenses autem querelas tantum jaçtarent nihil sine armis pro- futuras; iique essent in Italia rerum, atque temporum motus consecuti, ut Finariensem ab iis intermitti curam oporteret; Finarium ad Hispanos trans- iit, ab iisque ad Carolum Sextum Cæsarem unus virilis sexus, qui re- liquus Austriacorum erat eorum, qui in Germaniâ, & eorum qui in His- spaniâ ducentos ferme annos regnave- rant. Huic grave, ac diuturnum cum Philippo Borbonio bellum fuit, pro- pterea quod Hispaniæ, atque Italæ

Re-

LIBER PRIMUS.

57

Regna, quæ Caroli Secundi Austriaci fuissent, sibi Austriaco eripi iniquum putaret. Pax ita tandem convenit, ut Carolo Cæsari Italia, Philippo Hispania obveniret. Cæsarem interim cum maxima ex ejusmodi bello pecu- niæ urgeret inopia; Pontifex Valen- tinus, summus tum illi in consiliis capiendis auctor, vocat ad se Domini- nicum Spinulam Genuensis Reipubli- cæ Legatum, cum hoc agit: Si Cæ- sari Genuenses pecuniam dare, quæ sit quingenties HS., & acerba ip- sum præterea molestia levare velint, pro ea pecunia, eoque beneficio Cæ- sarem Genuensibus Finarium tanto- pere ab ipsis expeditum restituturum. Legatus statim cupidius fortasse, quâm oportebat, rem arripit, auri pondus Reipublicæ nomine pollicetur. Ge- nuenses, quanquam & pecunia im- manis

H

manis erat, & Legatus temerè inconsulto Senatu rem transegisse videbatur, tamen, quoniam valde Reipublicæ intererat Finario potiri, respondent: Quod Legatus cum Cæsare de Finario egerit, id Senatum censere ratum, atque e Republicâ esse. Itaque præsens Cæsari pecunia adnumeratur. Finarium oppidum ad Genuenses eo jure reddit, ut ipsorum antiquitus Genuensium fuerit, & Hispanorum esse Regum dicebatur, deque eo disertè admodùm in quadruplici foedere per potentissimos Reges Genuensibus cautum est. Eo tum statu res erat, cum repente novus extitit Finarii captator Allobrogum Dux, nullâ quidem causâ, quæ afferri posset, sed imperii proferendi cupiditate inductus. Horum familia Ducum belli ea quidem, pacisque artibus insignis est, sed ita insti-

instituta, ut pro animi magnitudine angustos se fines habere semper putet. Nam opimas Cisalpinæ Galliæ regiones næcta fœderibus, bellis, & loci imprimis opportunitate, quod emittere in Italiam transalpinas nationes, & coercere una dicatur posse, usque eo progressa est, ut regium ex Sardinia possessâ nomen adepta Italiam omni imminere videatur. Unum ei deesse ad opes confirmandas videtur, paulo liberior, atque commodior ad mare aditus. Nam illa omnis, quæ in ipsius ditione est, circa Oxibios ora, importuosa est, atque ipse Oxbiorum portus difficilis, & magnarum navium minime capax. Ea de causa insidiari Allobrogum Duces temporibus, insidiari finitimis, & potissimum Genuensibus, qui maritimi valde sunt, jampridem cœperant.

Genuenses etsi in Italiæ faucibus collocati, plurimas ad bellum italicum terrâ, marique opportunitates habeant, nihilo secius quieti, & quæ omnium ferè Italiæ Principum hoc tempore mens est, ut ne injuriis quidem exagitati ad arma descendant, imbelles, suis contenti finibus, sibi jamdiu vivere consueverant. Eregerat tamen illorum animos potius quam concitaret vicini nunquam non vigilantis magnitudo, atque assidua inter finitos æmulatio. At Carolus Emmanuel Sardiniæ Rex, cum a Majorum suorum virtute, atque institutis non degeneraret, acer, bellicosus, atque in omnem occasionem intentus superiore jam italicò bello Carolo Cæsari societatem ostentaverat suam, & societatis præmium cum multa alia, tum Finarium imprimis flagitaverat. Grave id

Cæ-

Cæsari, suâque fide, & majestate indignum vitium est, itaque negatum. Ille eju'modi irritatus offensione cum Gallis, atque Hispanis adversus Cæsarem conjurat. Bellum geritur. Sed pax repente consequuta non commodissima illi accidit. Nam cum Finarium speraret, omnem fere Cisalpinam Galliam teneret, eâ dumtaxat parte contentus esse cogitur, quæ ad Novariensem, & Dertonensem agrum, Langarumque regionem spectat. Avellit nihilominus a Genuensium finibus Regium, Altum, Capraunam, partem etiam Bardineti, partem item Carosii, quæ Genuensium erat, sibi vindicat, eaque omnia ad Langarum spectare regionem fidenter sane confirmat. Sunt illi quidem pagi in montibus ignobiles, sed erant Sardiniæ Regi ad ea perficienda

da, quæ jam tum adversus Genuenses meditabatur, maxime opportuni. Genuenses suos esse dicere, nihil ad Langas pertinere, possessionis vetustatem, Imperii etiam Romani jus proponere, vim queri, obtestari, legatos trans alpes usque ad Cæsarem, atque in Galliam mittere. Non audiuntur. Vicit enim, aut vis, ut fere semper, aut præsens utilitas, aut denique non ea causa satis digna visa est, quæ pacem, & sancitum jam fœdus convelleret. Mortuo Carolo Sexto Cæsare bellum statim inter Borbonios, atque Austriacos contum est. Initio hujus belli Sardiniae Rex, armatus quanquam esset, nullam se tamen in partem movebat, quietem se, atque Italicae libertati consulere dicebat velle; recte autem vera expectabat, dum statueret

ret utrius partis esse mallet (nam ab utraque ingentibus pollicitationibus solicitabatur) eoque potissimum accederet, quo uberioribus præmiis invitaretur. Equiti Osorio, quem Sardiniae Rex legaverat jam pridem ad Britanniæ Regem, multa intercedebat cum Joanne Carteretio necessitudo. Is magnæ inter Britannos auctoritatis, atque ipsius Britannorum Regis summus erat in imperio Administer. Carteretus, cum plane ex Britanniæ usu esse intelligeret, oportere Gallorum, qui perpetui Britannorum hostes sunt, nimias jam opes quam maxime infringi, atque immisnui, Sardiniae contra Regis augeri, & confirmari, ut ab eâ Galliæ parte, quæ illi finitima, atque etiam infirmior est, distinere ipse per se, atque adoriri Gallos posset; Equiti Oso-

64 DE BELLO ITALICO,

Oſorio, per eumque Sardiniæ Regi persuadere omnibus modis conabatur, ut cum Britannis, atque Aſtriacis aduersus Gallos, Borboniosque omnes consentiret. Homo ſolertiſlimus Oſorius, & qui Regis ſui mentem probè noſſet, quaſi recuſaret quod vehementer optabat, Regem in eo ſuum excuſare impenſe cœpit, quod adverſariorum potentiam, & belli exitus incertissimos vereretur: non iis illum eſſe divitiis, non viribus, ut Borbonios, qui valentiffimi modo ſint, irritare in ſe aut debeat, aut omnino poſſit: Aſtriacos tot in Germania detrimentis acceptis jacere: nolle illum, quod ſtultiſſimum eſt, alienam rem ſuo periculo curare. Sin autem inſperatâ rerum commutatione, quod plerumque in bello evenit, & ſociorum auxiliis ſe ſe Aſtriaci erexerint,

ſupe-

LIBER PRIMUS.

65.

ac ſuperiores fuerint, tum vero illud verendum eſſe, ne non ſibi potius Aſtriaci victores, quam ſociis conſulant, atque his belli onus, ſibi victoriæ uſum reſervent. Contra haec Carteretius, omnia Sardiniæ Regi pa- rata a Britannis eſſe demonſtrat, ar- ma, viros, pecuniam, magna mari auxilia, magnos commeatus, quibus copiis, atque opibus non eſſe cur Borbonios hostes, atque incerta präliorum tantopere Rex perhorreſceret: errare illum vehementer, ſi conſilium ſibi capere ſeparatim poſſe ſpe- ret; evocato in Italiam, quod Aſtriacorum potentia imminutâ acci- dere neceſſe eſt, Philippo altero Hi- ſpaniarum Regis filio, ecquem Aſtriacis, ecquem ipſi tandem in Italiā locum eſſe putet? Eandem utriſque cauſam eſſe, eandem fore for-

I

tu-

tunam; multo etiam ipsi graviorem subeundam esse, si Borbonii vicerint, quem eorum undique viribus circumclusum, & fructuosissimis Cisalpinæ Galliæ regionibus mulctatum in avitis alpium jugis regnare precario vix patientur: denique proponeret ipse societatis conditiones, & quæ ab Austriacis postularet, interpositâ Britannorum Regis fide habere certe confideret. Hæc acta in Britanniâ, eademque Regi Sardiniae nunciata in Italiam celeriter sunt. Et secundum ea multæ illum res hortabantur, quare sibi societatem cum Austriacis faciendam putaret: imprimis, quod Borbonios consuecere paulatim in Italiam cum exercitibus transire sibi esse pericolosum videbat: modo Carolum, nunc Philippum neque sibi homines magnis impe-

imperiis, regnisque asperitos obtemperaturos existimabat, quin aliquâ Italiam provinciâ receptâ, ut paucis annis Carolus Rex Neapolis fecisset, subito ad majora contendenter. Suis autem rationibus magis conducere arbitrabatur Austriacorum humilitatem, quam florentem Borbonium statum; propterea quod Austriaci, & stare, ut miseri, conditionibus necessario coguntur (rejecti enim ab se, quo in Italia confugient?) & quæ datus receperint, reapse dare extemplo possint. At illi alteri potentiores, & fidei facile suæ obliviscuntur, & libertatem prius eripiunt, quam promissa exfolvant. Postremo metuendum se Austriacis esse posse, cum metuere Borbonios certe debeat: imperii etiam commerciique ad mare proferendi

68 DE BELLO ITALICO,

viam ostendi, quod a Gallis Narbonensibus, atque a Genuensibus aversum traduci ad se incredibili utilitate queat. Ipsa autem Britannorum societas, atque amicitia peropportuna videbatur, quod maxime nummati homines, & mari potentissimi essent, adeo ut bellum, & eorum pecuniâ tolerari, & perfici etiam possit. His de causis placuit ei, ut literas ad Legatum suum in Britanniam mitteret: si citerioris Galliae partem aliquam Austraci sibi exemplo dent, uti vanis promissis non se duci intelligat, & si Finarium Genuensium oppidum attribui sibi, aliquâ interpositâ causâ, velint; item si triginta hominum millia a pacto statim fœdere in Italiam mittere sibi, Italiæque subsidio polliceantur, fœdus se se cum iis facturum esse,

eos-

LIBER PRIMUS.

69

eosdemque, & amicos, & hostes habiturum, quos ipsi habeant.

Postulata Regis Sardiniae quam matrimum in Germaniam ad Reginam Ungariæ preferenda curavit Britanniæ Rex cum literis, quæ illam serio monerent conditiones ne respueret: suis rebus aliter consuli non posse. Regina imponi sibi a sociis duriora querebatur, quam penè possent ab hostibus imperari, si victa discessisset: Finarium porro, quod Genuenses a Carolo Parre suo grandi numeratâ pecuniâ coemerint, eamque ipsa emptionem jure jurando firmaverit, Regi Sardiniae condonare turpissimum sibi, minimèque contentaneum esse demonstrabat. Qui enim convenire, ut ejus fidem ipsa convelleret, pro cuius hæreditate Patris bellum aceratum susciperet? Præterea cum tot

hostes

hostes circumstent, atque immineant, non prudentissimè fieri dicebat, uti Genuenses ultro, ac sine certâ quâdam causâ commoveantur. Negabat Britanniæ Rex grave Reginæ videri debere exiguâ unius provinciæ parte redimere amicitiam ejus Regis, quo freta, & erepta in Italâ recuperare speret, & reliqua omnia obtinere: neque fidei tam severè habendam esse rationem docebat, cum de regno, atque incolumitate agatur: Genuenses vero quid vereretur? Ignavos homines, timidos, neque in bellis gerendis, sed in mercaturis faciendis exercitatos, qui neque vires ad nocendum habeant, &, si attulerint, facili negotio coerceri, & proteri etiam possint. Tandem Regina vel Britannorum fatigata literis, penè quos & consilii, & virium erat auctoritas;

vel

vel suo etiam periculo admonita, ne Sardiniae Rex, ad hostes suos repudiatus delaberetur, cum eo societatem, & Britannorum item Rege inire constituit. Itaque duorum Regum, & Reginæ Legati, Oforius rei fere omnis auctor præcipuus, & concittator Carteretius, & Ignatius Vassierius Vormaciam convenient. Ipse adest Britannorum Rex. Sancitur fœdus: quo ex fœdere consilia, vires, arma, pecuniam conferre, bellum terrâ, marique gerere, in eoque perseverare universi tenerentur, quoad omni Borbonii Italâ pellerentur: triginta equitum, peditumque millia Regina Ungariæ, xlvi. millia Sardiniae Rex confecta, parataque in Italâ haberent: Britanni præter trecenties HS. quod singulis annis Sardiniae Regi in belli sumptum darent,

cum

72 DE BELLO ITALICO,

cum validâ, instructâque bellicarum
Navium classe infero mari navigarent,
ut essent Italix littoribus præsidio ad-
versus hostes: quæ pars citerioris Gal-
liae cis Ticinum, atque intra Nuram
amnes est, & nominatim Placentia,
atque Bobium Urbes, quæque a
Nuræ amnis fonte prope Genuen-
sium fines ad lacum usque Verba-
num, atque Helvetiorum pagos per-
tingit, exceptis insulis, quæ sunt con-
tra Ticinum Urbem, ea omnis Sar-
diniæ Regi extemplo cederet; Finan-
rii item recipiendi jus eidem potestas-
que esset: quæ bello Regna, quæve
provinciæ receptæ in Italâ essent,
eas sibi Ungariæ Regina haberet; Bri-
tannis omnes Italæ portus commer-
cio paterent, iisque ubi eis videretur
emporium aliquod constitueretur.

His de rebus quanquam secreto
apud

LIBER PRIMUS.

73

apud Vormaciam actis, atque con-
stitutis primi in Italâ Genuenses cer-
tiores facti sunt diligentâ, ac lite-
ris Joannis Francisci Pallavicini, qui
Reipublicæ Legatus Britannorum Re-
gis salutandi causâ Vormaciam ve-
nerat.

Hoc loco non abhorret a pro-
posito ea scribere, quæ de Genuen-
sibus cum ego quærerem, sic repe-
riebam: Homines esse navos, atque
industrios; optimis legibus, libertate
indomitâ; habere Urbem arte natu-
râque munitam, & mari, terrâque
opportunam: maximas ex eo dvitias
atque opes quæsisse: Profligatis olim
Pisanis, attritis Venetis, magnum fo-
ris nomen, marique imperium obti-
nuisse; domi factionibus, proscriptio-
nibus, cædibus, omnique seditionis
genere laborasse: eam ob rem factum

K

esse

esse, ut angustis terrâ finibus ute-
rentur: non prius conquievisse, quâm
ante annis MCLXXVI. magnorum
Principum legatis arbitris convenienter,
eamque, quæ nunc est, Rempubli-
cam constituerent: Nobilitas regnaret,
plebs nullo numero esset. Nobiles ii
dicerentur omnes, quibus in Concili-
um Majus aditus pateret: Concilia
duo Civitatis essent; Majus, Minus-
que vocarentur: legum condendarum,
vectigalium imponendorum, & non-
nullorum Magistratum creandorum.
Majori potestas esset: de pace, ac
bello, deque omni Reipublicæ statu.
Minus, adhibito Senatu, decerneret:
summa esset Senatus auctoritas: penes
ipsum, & Ducem, quo nomine ci-
vitatis Principem appellant, qui re-
gnum obtinet biennium, totius im-
perii species, ac dignitas esset: nemini

ni

ni præter Ducem cum Senatu, Con-
ciliisque agendi fas esset. Dux igitur
pro more, institutoque Reipublicæ ex
literis Joannis Francisci Pallavicini ad
Senatum, Minusque Concilium retulit.
Pатres, hoc accepto nuncio, varie
afficiebantur. Erant præferocis inge-
nii aliqui, qui bellum statim, arma,
legiones, castra denunciarent, Borbo-
nios socios accerferent, quorum opi-
bus Sardiniae Regem deprimerenr,
Austriacos coercent. Imperiorum
etiam in bello, & gloriæ cupiditate,
ac spe incitabantur. Plerique naturâ,
usuve rerum tardiores, seque, &
Rempublicam circumspicientes a con-
siliis fortibus refugiebant: belli casus,
ærarii damna, tributi nomen liberis
præsertim civitatibus grave, mare in-
festum, hōstem finitimum, socios
longinquos cogitabant, atque etiam

K 2

hos

76 DE BELLO ITALICO,

hos ipsos suspectos habebant, & componi rem, aut mitigari posse sperabant. Nec deerant, qui dolerent potius Reginæ fortunam, quām infectarentur iniquitatem, & miseram dicebant, quæ hostibus æque, atque amicis prædæ loco esset, suaque, & aliena distrahere cogeretur.

In tantâ animorum varietate unum modo placuit dari negotium tribus prudentissimis viris, Paulo Hieronymino Pallavicino, Joanni Baptista Grimaldo, Jacobo Laumellino, qui rem Finariensem, præsentemque temporum statum etiam, atque etiam considerarent, & de eo quid eis videtur, ita ut e Republicâ, fideque suâ censerent, Patribus renunciarent. Ubi tota inter ipsos agitata res, & considerata est, eorum unus processit, atque ejusmodi in Minori Concilio sen-

LIBER PRIMUS.

77

Sententiam dixit: Arduam esse rem, multoque graviorem, quām quisquam existimare queat: imminere acerrimum Regem, potentem, armatum, & de Finitimorum pernicie dies, atque noctes cogitautem: haberi ludibrio Republicæ conditionem, ad cujus oppida nullâ injuriâ commemoratâ, nullis repetitis rebus, tanquam ad aliuscujus projecti cadaveris spolia diripienda vicini advolent: non Finarium (quod gravissimum tamen esset) sed per Finarium omnem oram maritimam, ipsam peti Urbem, quæ si mare, & peregrinarum usum mercium amiserit, quod amissso Finario accidere est necesse, egestati, ac solitudini addicetur. Asperum esse, triste, durum spoliari, despici; verum & illud imprimis providendum esse, ne præsenti malo gravioribus malis reme-

remedia adhibeantur: multa quidem in utramque partem cogitantibus occurrere, quæ animum ita distrahant, ut ubi possit consistere, dijudicari vix possit: nam & in tantâ Reipublicæ calamitate, tantâque contumeliâ sedentem convivere flagitosum; & in varios belli eventus demittere sese patratoribus animis, quam viribus stultum esse, atque a Patrum gravitate, & constantiâ utrumque abhorrere. Unum esse in præsentia, quod tutum ad omnes casus consilium videatur, si ignaviâ omni, & cunctatione abjectâ excitetur pristina Genuensium virtus, si pecunia cogatur, scribantur milites, oppida, & Finarium imprimis muniantur. Ita, si bellum placet, non posse Genuenses, ut quibus vires adsint, ab amicis respudiari, non contemni ab hostibus; sin quies, & neutram

neutram in partem inclinatio probatur, fieri tum facile posse, cum utrique formidolosi, aut certe non lacefendi videamur, ut Reipublicæ dignitatem, & statum incolumem conservemus. Otiosis vero, atque inermibus quidnam aliud proponi, nisi aut inopem servitutem, aut calamitosum interitum? Patres, his auditis, frequentes decreverunt, ut milites quan:primum conscriberentur, atque augerentur, decem ut sint hominum millia; rei militaris periti duces evocarentur, Finarium, cæteræque in finibus Reipublicæ arces communitiores, atque instructiores terrâ, marique fierent; item majoribus lex comitiis ferretur, qua lege sexcenties HS. Finarii defendendi causâ corrogetur; itemque legatis Reipublicæ scriberetur, uti Regem, Principemve, ad quem quisque eorum lega-

legatus sit, convenient, causam Reipublicæ doceant, quo quisque animo Rex, Princeps in Rempublicam sit, Senatui confessim rescribant. Inter ea Patribus placere parem Austriae, Borbonisque voluntatem ostendi, & neutros eorum contra alteros juvari.

Hæc dum a Genuensibus magnâ curâ, & diligentia aguntur, Sardiniae Rex, qui omnia attentè speculabatur, suspicari tum primum cœpit, Genuenses non patienter, neque remisso Vormaciensis foederis injuriam laturos; itaque ut majus aliquod iis nomen opponeret, quo a belli apparatu deterrentur, cum Rege Britannorum agit, uti Rovelejo Britannicæ classis ad mare inferum Præfecto scribat: aliquem ex iis, qui navibus præsunt ad Senatum Genuensem mittat, ex eo-

eoque prope minaciter causam percutetur armorum. Rovelejus, acceptis mandatis Navarcum ire Genuam jubet; qui statim aphracto in portum ex alto invectus Ducem, Senatumque adit; & Regem mirari suum vehementer dicit, quid causæ Genuensis sit, quare cum ab omni contentione abesse testati toties fuerint, bellum repente parent; postulare, uti sibi, quæ Reipublicæ opes, quantus sit exercitus accurate indicent: non debere eum pati, qui Italiam ab hostibus defendendam suscepereit, novus ut in Italâ tumultus excitetur. Ei orationi Dux respondit: Non tumultus, neque maleficii causâ exercitum Genuenses conscribere, sed ut se tantum muniant; adeoque delectus ab iis intermitti nolle, ut angantur potius, quod pro rei, & temporis gra-

vitate non satis fortassis magnam mas-
num cogere queant ; cum præsertim
jura omnia permisceri nefario bello
videant : neque Italiæ quietem magis
ad Britannos ultra Gaditanum fretum
submotos , quàm ad Genuenses per-
tinere , qui & Rempublicam in Italiâ
obtineant , & non postremi Italorum
sint. Cæterum ab eo , quod instituer-
it , Rempublicam non recessuram , ut
mediam se italico bello profiteatur.
Cujus rei testes ipsos haberet Britan-
nos , quibus a principio hujus belli
Reipublicæ portus , littoraque omnia ,
omniumque ex iis rerum usus semper
tamque liberaliter patuerint , ut satis
constet majorem in eo Genuenses fi-
dei , quàm commodi rationem ha-
buisse . Navarcus , hoc accepto ref-
ponso , discessit.

Sub idem fere tempus legatorum
lite-

literæ venerant , quæ adversa omnia
Genuensibus , infestaque apud Austria-
cos nunciabant . Nam & Regina
Ungariæ vicem Reipublicæ multâ , at-
que inani miseratione cum prosequer-
etur , sua sibi tamen propiora peri-
cula esse , quàm aliena loquebatur :
& Britanniæ Rex speciosum Italicæ
libertatis nomen prætendebat , cui re-
mittere aliquid Genuenses de suis re-
bus non iniquum putabat . Sardinia
autem Rex , non esse , cur se Ge-
nuenses interpellarent , stomachans fa-
stidiosè dicebat : irent Londinum ,
ibique Britanniæ Regi causam proba-
rent suam . Soli ex omnibus Borbo-
nii Reges animo esse in Rempubli-
cam singulari dicebantur . Nam pro-
bè intelligebant , plurimum ad res
suas pertinere eorum hominum ami-
citiam , quorum esset urbs ad exerci-

tus in Italiam transportandos, instruendos, omniq[ue] re juvandos opportunitissima, atque id Hispani præcipue sentiebant, cum reminiscerentur, quatuordecim sibi naves onerarias tormentis, & commeatibus refertas non ita pridem disperiisse, propterea quod Genuenses, in quorum eæ portum refugerant, quiq[ue] ob eam rem veluti Borboniarum studiosi partium a Britannis insimulabantur, ut omnis seu controversiæ, seu calumniæ causa tolleretur, illas in Corsicam seponendas censuerant, præsidiis additis, ne amoverentur, nisi bello perfecto. Itaque cum Rempublicam ad arma, suamque deducere societatem studerent Vormaciensis fœderis iniuitatem du-
xi etiam interpretabantur, incitabant, offerebant se, &, si sibi ipsa non desit, non se Reipublicæ defuturos pollicebantur.

At

At Genuæ Patres, cognitâ Regum voluntate, hærebant nihilominus in dies magis, remque multos jam menses extraxerant non tam gravitate negotii, quo quidem permovebantur, quam rerum publicarum consuetudine quâdam, quæ cunctabundæ omnes videntur, maximeque Genuensis, in qua & lentius omnia, diligentiusque perpenduntur, & eo sunt homines ad decernendum tardiores, quo plures ad deliberandum consentire debent. Lege enim cautum apud Genuenses est, ne quid in Minori Concilio gravioribus præsertim de rebus referatur, quod non Senatus antea probaverit, neu die unâ, cùdemque referatur, atque statuatur, neu denique ratum, firmumque sit, ni id cum CC. adsunt CLX. suffragiis latis approbarint. Accedit ad hæc ingenium ho-

hominum subtile, atque in æstimandis rerum momentis paulo morosius; tum illa, de quâ supra dictum est, animorum studiorumque varietas; ipsa denique Oratorum altercatio, quâ fiebat, ut distinerentur in judicando Patrum animi, atque afferrent ancipitem curam cogitandi. Qui enim ocium summe videbantur cupere, omnem belli societatem aspernabantur, quietem Reipublicæ utilem esse demonstrabant: impedito enim ubique fere commercio, dissentientibus inter se nationibus, Genuensium autem portus cum omnibus æque patet, omnes omnium ad eos pecunias per venturas dicebant. At quæ bello damna? quas clades? Ærarium corsico bello exhaustum nullum esse: Tributum homines horrere: præterea periculofum esse magnorum Principum

pum inimiciis, & societatibus immisceri: semper id infirmioribus civitatibus fuisse fatale: hoc Senensem, hoc Florentinam Rempublicam casu corruisse: quibus vero sociis fidendum Genuensibus esse? Gallisne? qui amicos, ac necessarios suos in medio rerum impetu, proximo hoc Italico bello deseruerint, cum prospera omnia cederent, adeo ut, aut sibi cupidius consuluisse, aut invidisse illis Italiæ possessionem videantur? an Hispanis? an Neapolitanis? quorum utrique & per se minus valent, & fortunam potius, & Gallos, quam fidem sequentur? sperare his copiis, atque auxiliis Germanicarum legionum robur, Britannici auri vim, Sardiniensis consilii solertiam posse vincere, audacis esse nimiumque confidentis; præsertim cum auxilia procul ab-

absint, hostes autem in finibus hærent, & mari, terrâque ipsam suffocare Urbem statim possint. Non certe Finarium tanti esse, ut fortunæ omnium unâ cum patriæ libertate in apertum discrimen projiciantur: caruisse eo oppido per multos annos Rempublicam; num aut divitem minus, aut potentem fuisse? fecisse majores hac ipsa in re sapienter, qui Finarii potius jacturam, quam totius Reipublicæ naufragium facere decreverint: non esse adeo graviter inimicis irascendum, ne, cum illis nocere in animo sit, sibi noceatur: postremo satis compertum videri Vormaciensi fœdere non esse contentos Austriacos ipsos: accidere profecto posse multis de causis, vel simulatae ad tempus amicitiae, vel majoris commodi, vel calamitatis repentinæ ali-

cujus

cujus etiam communium temporum, & fortunæ motus, ut Finarium nullo periculo, viribus integris, insperato retineatur. Hæc cum avidè arriperent, & ii, qui parum, & ii qui nimium timebant, cum approbarent divites, non reprehenderent prudentes, quibus ferociora omnia suspecta sunt, & cum contra etiam permulta occurrent, quare turpis quies, aut periculosa videretur; deliberandi tedium quoddam in Patrum animos irrepserat, ut spe, metuque suspensi bellum pariter, pacemque fastidirent. Ibi tum aliquis, qui magnæ habebatur authoritatis, & eloquentiæ: Patres conscriptos, primum orat, atque obtestatur, ut moram omnem abjiciant Reipublicæ perniciosam, quæ eventum belli expectando præda esset sine gratiâ futura victoris; non

M

se

se deinde pacis commoda, non belli
casus ignorare dicit, eaque esse æta-
te, iisque fortunis, ut conquiescere
res, quam perturbari malit: debe-
re tamen se Patriæ magis laborantis
aspectu, quam harum omnium rerum
curâ commoveri: tum acerbitatem,
atque odium Britannorum queritur,
qui cum eos portu, & commeatu
Genuenses semper juverint, tam ini-
mico in Rempublicam animo sint,
fuerintque jam tum, cum latronem
Theodorum regiis devectum navibus,
& publicis Carteretii literis commen-
datum in Corsicam summiserint: ini-
quitatem Austriacorum docet, quos
suum nomen, suasque vires ad perni-
ciem hominum optimè de se meritorum
contra fidem commodare non pudeat:
Sardiniae Regis fraudem in surripien-
dis quinque superiore Italico bello
op-

oppidis prædicat, injuriam & cupi-
ditatem in occupando Finario ulti-
mum ex eâ re, præsentemque Rei-
publicæ casum impendere, commemo-
rat. Si enim, inquit, Sardiniae Rex
fines nostros, quos Placentiâ Bobio-
que urbibus ex fœdere acquisitis de-
vinctos, atque obvallatos jam tenet,
acerbissimis portoriis infestos terrâ
habere, ut nihil invehere, nihil ex-
portare liceat; si in Finariensi littore
portum extruere, quem dimensum
jam animo atque exædificatum habe-
re dicunt, amplum, optimum, at-
que huic nostro non tutissimo
opponere cœperit: quid vos Ge-
nuæ futurum putatis? Finibus tam
angustis? regionibus tam asperis? de-
perditis vœtigalibus, omni terrestrium,
ac maritimarum rerum usu sublato? an
non fœdissima quæque, Finario

amisso, metuenda sunt? aut finitimum hostem faciliter præda pacatiorem? aut denique patientia aliquid profici posse speramus? Caruimus eo certè oppido per multos annos, sed ita, ut eam jacturam nunquam æquis animis tulerimus. Quod si vis, si tempus dissimulandi nobis necessitatem aliquando imposuit; etiam ne eripi nunc Finarium, atque abstrahi e sinu Reipublicæ otiosi patiemur? cum nostrum, quod erat vetustissimo jure, præfenti pecuniâ emerimus, tantique emerimus, quanti venditor voluit, egens, sumptuosus? atqui Finarium jam Principes habuerunt, aut ita humiles, ut a nobis negligerentur, aut ita magni, ut ipsi oppidum negligenterent: Regi vero Sardiniae tam florenti, tam cupido, & cui ad suam cupiditatem parum semper, ad nostram

stram

stram perniciem nimium jam potentiaæ est, Finarium concedere, quid aliud est, quam arma ad Reipublicæ internectionem largiri? quo ille Finario, tanquam aggere utatur ad Imperionis maritimo usque exturbandos, totosque adeo evertendos? patientia autem, quam ad omnes jam calamitates atque indignitates obduruiimus, quid tandem proficimus? nisi ut leviora perpeccis graviora imponantur? Et hercule solet is facile accipere injurias, qui segniter fert. Pudet dicere P. C. eò abjectionis atque humilitatis devenimus, ut in nos, qui armatis quondam Regibus restitimus, palam, atque impune, pauci montani homines, & nescio quis Theodororus nequissimus insultare non dubitent. Nunquam ne ad recuperandam dignitatem ingenuo dolore excita-

94 DE BELLO ITALICO,

citabimur? cum potissimum dignitas unà cum salute Reipublicæ conjuncta sit? quid ergo consilii est? eadem nos re ulcisci, quâ sumus lassiti; vim repellere vi; conspirationi Austriacorum, Borboniorum opponere societatem. Nam mediis nobis, ac quiescentibus postulare, ut ex aliorum dissensione augeantur opes nostræ, ridiculum est. Quid enim vos Britannos, qui hoc vix portu abstinuerunt, mercatoriis in mari navibus facturos putatis? cum ex Hispaniis, atque Galliis, quibus in provinciis cives nostri magna, & ampla negotia habent, onustæ mercibus redierint? eas tanquam hostiles, aut hostilia portantes illi certe excutient, diripient; nos autem infestiore penè pace, quâm bello utemur. Quod si bellum tantopere formidat-

tis,

LIBER PRIMUS.

95


tis, quo bello commercium labefactari dicitis; cur non quietem perhorrebitis, quæ illud omnino delet? At etiam fortunam, ut expectemus, suadent: quo majorem, credo, opprimendi potestatem habeat; namque imparatos, atque inertes aversari maximè dicitur. Quæ porro prudentia est fortunæ credere, cum uti consilio possis? aut cæcâ malle expectatione pendere, quâm exploratâ ratione subsidium comparare salutis? At ærarium exhaustum est, tributi nomen grave. Cupio videre, qui pecuniam ad conservandam Rempublicam conferre dubitet, cum eam ipsam pecuniam nisi salvâ Republicâ retinere non possit. Præterea societas Borboniorum cum ad multa alia, tum ad illud opportuna est, quod eorum pecuniâ exercitum alere possumus,

96 DE BELLO ITALICO,
sumus, quem conscripsimus. At
cavere ab amicis ipsis debemus, ne
deseramur. Nulla P. C. firmior ami-
citia est, quamquam quae magno amicis
usui esse potest. Id si Senenses, si
Florentini vidissent, nunquam freti
amicitiis nullâ utilitate quæsitis, va-
lentissimorum inimicitias soli suscep-
sent, nunquam fortassis concidissent.
Nam quid huic nostræ simile amici-
tiæ est? Nonne Gallorum vel ma-
xime interest habere in Italiâ apud
nos aditum? præsertim si Rex Sar-
diniæ munitissimis arte, naturâque
locis confisus prohibeat? non Hispa-
nis sexennium jam fere inter Allo-
broges vagantibus nostrâ nos socie-
tate Italiam referamus? Non a Nea-
politanis Austriacorum metum, at-
que impetum avertimus? Cur hos
tam temerè quisquam, & magno
cum

LIBER PRIMUS. 97

cum suarum rerum detrimento a fide
discessuros judicet? nam de copiis,
atque opibus eorum nemini omnium
rectius credideris, quam Austriae
ipsis, qui fugam jam audito Borbo-
niorum adventu & præsidiorum late-
bras circumspicere videntur. An ve-
ro in Italiâ pulsum fugere Lobco-
viczium non audistis? Ardere Prusia-
co bello Germaniam? expugnari Bel-
gium? retineri domesticis dissensio-
nibus Britanniæ Regem? furere Sco-
tos? timere Batavos? Ipse autem Sar-
diniæ Rex, quem maxime gravem,
atque assiduum hostem habemus,
non suis certe viribus, quæ medio-
cres sunt, non pecuniâ, quâ eget,
sed auxiliis sociorum, & nostro im-
primis ocio invalescit. Nunc, si a
sociis, quibus suspectus est, quibus-
que confidere multum non potest,

N defe-



deseratur; si nostris nos periculis non
indormire sentiat, invasurum ne aliena,
an suis diffusurum esse existimatis? cum præsertim recordetur, se
puerum profugum, atque ejectum
in iis sedibus quæsisse perfugium,
quibus nunc mortiferum inferre bellum
meditatur. Adversus hostes tam
infirnos, sociis tam valentibus, eademque
nobiscum causâ conjunctis;
dubitamus P. C., dijudicatâ jam fe-
re belli fortunâ, eo progreedi, quo
incertâ etiam victoriâ descendere oportet?
quid tu igitur hostes con-
temnis, a quibus tantam Reipubli-
cæ perniciem comparari dicas? Ego
vero P. C. neque ita conteinnendos
puto, ut negligantur, neque ita
metuendos, ut desperemus; eoque
validiora adhibenda esse remedia cœ-
feo, quo vehementius ingruit malum:

nisi

nisi si quis est, qui perire turpiter,
quam servari fortiter malit. Illud vos
ad extreum pro meo summo in pa-
triam amore, proque tanti discrimi-
nis magnitudine moneo, ut etiam,
atque etiam prospiciatis, ne magnorum
Regum amicitiam tantâ in re in-
vitatos refugisse aliquando pœniteat.
Finarii causa ejusmodi est, ut in eâ
dignitas, salus præterea universæ Rei-
publicæ contineatur. Nihil est me-
dium P. C. aut Finarium quovis bello,
societate, periculo etiam, & ja-
cturâ retinendum est, aut hosti pa-
rendum superbissimo, aut denique
hæc Urbs pulcherrima, hæc Patria
omnium nostrum in vastitate, atque
in solitudine relinquenda. Hâc ora-
tione commoti Patres, impendentique
Reipublicæ clade deterriti, simul freti-
fortunâ, quæ Borboniorum velificari

N 2

votis

votis videbatur, famâque copiarum, quæ in Hispaniâ, quæ in Galliâ parari ingentes dicebantur, societatem, sui muniendi causâ, cum Borboniis inire decreverunt: ex eoque decreto, &, ne quis rem enunciaret, jure jurando sanctum est (poterat enim intempestivè enunciata res perturbari) & quibus conditionibus confieri societatem placeret Hieronymo Grimaldo scriptum est. Is erat Reipublicæ ad Hispaniarum Regem Legatus.

Villa est Regis Hispani ad Tagum amnem in Aranguesiano venationum frequentiâ, & aquarum amœnitate nobilis. Ibi cum esset Rex animi causâ, Legati Borboniorum Regum, & Hieronymus Grimaldus, de quo dictum est, inter se colloquuntur: Vormaciense fœdus Aranguesiano esse fœdere infirmandum. Itaque rebus

bus agitatis, conditiones cum convenissent, fœdus ictum est. Conditionum hæc erat summa: Borboniorum exercitus, classes commeatu, portu, Republica Genuensis terrâ, marique juvet: Iis auxilio decem hominum milia ornata instruetaque cum xxxvi. bellicis tormentis subministret: Ne prius subministret, quam Borboniorum exercitus conjuncti sint, quamque ultra montes fuerint, qui agrum Genuensem Septemtrionem versus a Galliâ Cisalpinâ dividunt, & Ligusticæ fauces appellantur: Reipublicæ Genuensis Oppida, agros, fines Borbonii Reges tutentur: Philippo Hispani Regis Filio Regnum in Italiam uti constituatur, omnes communiter armis, opibus current. Hispaniæ Rex Reipublicæ Genuensi, quamdiu belluni in Italiam erit, duodecies HS. in singulos men-

menses det: Lavinium, Cenopha, Mons-grotius, Pares Oppida, eorumque Oppidorum agri, quo jure a Philippo Vicecomite Mediolanensium Duce antiquitus Genuenses receperant; item Serravallis oppidum, arx, ager, quo item jure paucis ante annis a Comite Leonardo Auria acceperant, eo omnia jure Genuensium sint: Reges erga Genuenses eodem, quo erga suos, animo sint, caveantque, nequa Genuensibus in vectigalibus, terrâ, marique exercendis fraud, nequa injuria ab Hispanis, Gallis, Neapolitanisque naviculariis, & Mercatoribus facta sit.

Jam Gagius Genuam pervenerat, præterque mœnia Urbis cum pertransire cœpisset exercitus, portas occluserant Genuenses, & popularium exitus, militumque diligenter coercerant

bant introitum, nequa aut illorum insciatiâ, aut horum licentiâ, parvisque, ut sape fit, causis, magna fieret rerum commutatio, neu quam etiam suscepserant a principio belli personam, ut medii essent, & adhuc tuebantur, intempestivè deponerent. Ac tametsi Gagius, qui ad Langenses (Porciferæ hic est Pagus valli) idoneo loco castra posuerat, magnopere eos adhortabatur, ut auxilia sibi mitterent, aliâ ratione se non esse ad hostes iturum, quos numero, & loco superiores esse intelligeret; tamen in eo perseverandum Genuenses putabant, ut ne prius mitterent, quam noster esset exercitus ultra eos montes profectus, qui Liguriam a Gallia Cisalpinâ dividunt, & Ligusticæ, ut dictum supra est, fauces apellantur: idque ipsum in Arangueſia-

104 DE BELLO ITALICO,

no födere adscribendum, eaque de causâ curaverant, quod verebantur, ne patefactâ ante id tempus societa- te, statim in finibus suis Austriacos hostes haberent, id quod Reipu- blicæ detrimentosum esse existima- bant. Simul descendere aperte, pa- lamque in partes auxiliis missis nole- bant, nisi prius exploratis quantum poterant rebus, quarum prope cer- tus videri tum poterat exitus, atque adeo ostendendæ amicitiæ tempus op- portunius, cum tribus magnis Phi- lippi, Gallorum, & Gagii exerci- tibus conjunctis in Galliam Borbo- nii Cisalpinam irrupissent: Ipsi au- tem adversus vastitatem, cæterasque belli clades, & Ligusticarum fau- cium angustiis, & tantorum exerce- tuum conjunctione tutiores essent.

At Gagius neque sine Genuen- sium

LIBER PRIMUS.

105

num auxiliis Ligusticas superari posse fauces dicebat, neque ducis consi- derati esse judicabat, eos relinquere post se non aperte socios, a quibus omnia fere ad bellum necessaria expe- ctanda essent, & quorum auxiliares copias tamquam obsides habere pos- set perpetuae ipsorum erga Borbonios voluntatis.

Interim Philippus Gagio ad duo millia Draconum, & provincialium Hispaniorum Pyrochitrophorum coor- tes summâ virtute, quibus Augustinus Ahumada præerat, auxilio misit; item Patris, Socerique nomine Mar- chionem Chetardieniem Gallum, & O-Walium Hibernum, qui apud se in exercitu erant, Legatos Genuam mi- sit: quorum alter Sarmaticâ erat le- gatione notus, alter, ut postea con- fecto bello cognitum est, concilian- dæ

O

dæ pacis auctor præcipuus fuit, cum post incommodam plures Genuæ mensæ simulatam valetudinem, mutandi, ut dictabat, cœli causâ, in Britanniam profectus est. Hi igitur in Senatum introducti, Galliarum se se, atque Hispaniarum Regum nomine, quorum insignis semper fuisset, & præcipua tunc esset erga Rempublicam benevolentia, & fides, venisse oratum dixerunt, ut auxilia Genuenses Gagio submitterent, quæ nisi statim submittantur, non posse Hispanos, Neapolitanosque omnino progredi, & futurum fortasse, ut ad nihilum incredibilis eorum virtus recideret, ausi quâ sunt ascendere altissimos montes, transire rapidissimum flumen, extremam tolerare inopiam, quæ facilia ex difficillimis non tam animi magnitudo illis innata nationibus,

bus, quam Genuensis auxilii fiducia redegerat: non se se arbitrari temporis causâ, aut simulatâ Genuenses amicitiâ societatem cum Borboniis instituisse: Quid tam porro justæ, veræque amicitiæ repugnare, quam si, quod triduo, ad summum quatriduo præstaturi ex fœdere sint; fidelissimorum id amicorum precibus repræsentare illiberaliter quodammodo denegent? debere eos communem potius utilitatem, ex quâ omnia homines interpretari fœdera oportet, quam fœderum formulas, & verba spectare: factum esse Aranguesianum fœdus, ut communibus viribus communis repellatur hostis: at Genuensium cunctatione istâ inopportunâ non repelli, sed invitari hostem, ut Gagianorum militum paucitate contemptâ Ligusticas continuò fauces cupet:

cupet: quibus occupatis, & Gagiu*m* ad rem gerendam inutilem efficiat, & ipsos quasi in vinculis habeat, ne ea, quæ Reipublicæ interesse cognoverint, quæque ille admonendum timet, decernere audeant. Id vero si accidat, quo tunc Arangueſiani ſöderis consilium? Quo virium communicandarum ſpem? Sin autem in consiliis capiendis unam intueri fortunam vellent, omnia hactenus accidiffe Austriae adverſa, Borboniis ſecunda: illorum ſemel, atque iterum ab invictissimo Rege Gallorum fuſas in Belgio ac ſuperatas copias, quas Batavorum etiam, & Britannorum exercitus ſublevabant: unam eſſe in Italia Genuenſium ciuitatem, quæ certiſſimam Borboniis victoriam creare poſſit: ejus patefacta ſocietate fugæ ſe ſtatiſ Austria-

cos mandaturos, neque ullum confiſtendi illis in Italia locum fore. Proinde vel amicitiæ, vel utilitatis, vel denique fortunæ cauſâ ne cunctarentur auxilia Gagio ſubmittere: liberè jam, atque audacter deſcenderent in cauſam, & quos hoſtes jam diu ſenſerint, pro hoſtibus aliquando haberent.

Genueneses Legatorum permoti eloquentiâ, quam Borboniorum adjuvari victoriis intelligebant, & quod ingratum ſane videbatur tantulæ, ut apparebat, rei controverſiâ, in ipſo ſocietatis initio ſociorum offendere animos, & quod eo erant progreſſi, ut magis liceret non cœpiffe, quam cœptum ſemel non exequi uſque ad extreſum. Millia hominum octo, & quæ ad eorum, bellique uſum pertinebant, auxilio mittenda eſſe Gagio ſta-

statim censuerunt. Horum summa imperii tradita Joanni Francisco Brignole-Sale est, cuius postea, cum Reipublicæ Principatum adeptus est difficillimo tempore virtus nobilitata est. Item S. C., quo mitti auxilia decreverant, renunciari Austriacis, corumque sociis per legatos oportere suos statuerunt. Tanta autem erat erga Reges observantia Reipublicæ, ut ne Regi quidem Sardiniæ ipsi nominatim bellum denunciaverit, tametsi Vormaciensi irritata fœdere suas ab eo imminui, trahique in discrimen opes videret. Et per eos forte dies acciderat, ut Eques Alfierius, qui in agro Nicæensi Sardinensibus copiis præerat, in Genuensium oppidum Albintemelium, ubi Hispanorum erant horrea constituta, impetum faceret, & præsidio dejecto, frumenti, pabulique,

lique, quod subito poterat per equites comportaret, reliquum, ne cui Genuensibus usui esset, incendio corrumperet. Denunciationem Reipublicæ Britanniæ Rex cum intellexisset, minaciter respondisse fertur cum suarum classium Præfectis imperaturum dixerit, si quid in eam rem sibi videretur; Quanquam Genuensium apud eum Legatus neque amici, neque hostis loco habitus Londini permanserit. Rex autem Sardiniæ nihil accidisse novi dixit, si Genuenes bellum denunciarent, quod suis favendo hostibus jamdiu gererent, neque ita tamen occultissimè, ut perspici non posset. Quibus auditis Hieronymus Curlus, qui apud Regem Genuensium Legatus erat, in patriam rediit, illato bello. At Bartholomæus Laumellinus, qui oppido No-

Novis Genuensium jussu præerat, ad Comitem Sculemburgum in castra Austriacorum se contulit, atque ita ex auctoritate Senatus cum eo egit: Genuenses neque priores Austriacorum socio, atque amico Regi Sardiniae, neque sine causâ bellum denunciare: necessario facere, invitatos, atque omnia prius expertos, si qua posset æquitate componi: unum se se infimis pene precibus orasse, ut quæ Reipublicæ optimo semper jure fuissent, atque essent, ea esse insigni injuriâ ne desinerent: ne id quidem propter Vormaciense fœdus impetrari potuisse: suos jam ab Rege Sardiniae fines violari, ad Albinetum effringi, diripiique horrea: quonam hæc onnia, nisi ad Reipublicæ perniciem pertinere? proinde non esse ipsis succensendum, si, ut

ut esset dictum, necessario ad arma descenderent, quæ inferri sibi jam pridem videant, si sui muniendi causâ Borbonios socios adsciscerent, si iis auxilia mitterent: nihil se propterea de suâ erga Austriacos benevolentia, atque observantiâ detractum arbitrari; quandoquidem jure Gentium obtinuerit, ut amicos contra amicos auxilio juvare, salvâ amicitia, liceat: nemini injuriam facere, qui sua tueatur: imperium se se acceptum a majoribus velle conservare: quo imperio ille haberi indignissimus debet, qui retinere illud quâcumque ratione aut non possit, aut non audeat. Dicentem Laumellinum interpellat Sculemburgius, & discedere conantem prohibet, eodemque temporis vestigio Clericianæ legionis instructorem cum equitum, ac peditum parte mittit,

qui Reipublicæ præsidium, quod erat Novis, captivum abduceret, ipsumque Oppidum haberet prædæ loco. In quo nonnulla fuit hominum querela, qui Sculemburgium suæ magis iræ, quam juri Gentium obtemperasse dixerunt.

Habebat, uti diximus, castra Gagius ad Langensium Pagum, & sicuti Genuensium diligentia omnium copia rerum abundabat, ita præmiorum tenuitate, quibus donare exploratores ipse consueverat, flagitiose erat ab exploratoribus imparatus. Nam Gagius alienæ pecuniae non appetens, suæ parcus habebatur: id quod nonnulli in Imperatore reprehendunt, cui propositum unum illud esse debet, ut vincat, & victoriæ causâ non suis, non alienis parcere bonis oportere ajunt. Sed

Sed exploratorum paucitate siebat, uti hostium neque consilia, neque itinera cognoscerentur, ut levi auditione, & falsis plerumque rumoribus interdiu, noctuque clamaretur ad arma; sic ut tam incertis rebus non militibus quies, non ducibus ratio esset certa imperandi, omniaque erroribus, ac suspicionibus perturbarentur. Quæ res impetus etiam nostros, consiliaque tardabat; propterea quod non satis celeriter explicari poterant, cum ignorarentur ea, quæ apud hostes gerebantur, & ad quæ accommodare sua sæpiissime consilia Imperatores solent. Præterea Philippici exercitus mora, quicum Gagiani exercitus iter consentire debebat, non parvo erat nostris ad progrediendum impedimento. Philippus enim expugnatis in itinere Loano, Oneliaque, Castel-

lis satis munitis procedere paulatim; ac Savonem vix aliquando tandem pervenisse dicebatur. Hæc erant, quæ Gagio diutius ad Langensium pagum morandi afferrent causam.

Jam Philippi, jam Genuensium auxilia in Gagii castra convenerant, & tanto militum numero auctis copiis ad hostem proficisci Gagius constituit, cognitâ prius loci naturâ, quæ erat ejusmodi. Porciferam vallem, quæ in longitudinem passuum circiter x. millia patens ab amne appellatur, qui illam interfluit, quique modicis, ac prope nullis aquis est, nisi maximi accidant imbræ, neque longius ab Genuâ millibus passuum iii. Arenam inter, Cornilianumque pagos in mare influit; quam vallem hominibus, ædificiisque frequentem, & cultu, prospectuque amoenam colles

les cingunt leniter acclives, qui in montes statim assurgunt editos, atque asperos: atque hi in arctas tandem coguntur fauces, quas Ligusticas appellari diximus. Has intra fauces una est militaris via, reliqua sunt præterea itinera duo, quibus etiam patet aditus ad Genuam paulo tamen impeditior, atque difficilior: quorum itinerum alterum ad dextram est Ligusticarum faucium ab eâ parte, qua mons eminet Flaconius, Iriaque amnis labitur; ad sinistram est alterum ad alterius item montis radices, qui Gazius dicitur, editissimumque est omnium circumiacentium. Tam illa militaris via latior, quam angustiora hæc itinera duo in unum confluunt ultra Ligusticas fauces ad Octavium vicum, eoque Gavium versus, Novaque iterum, opida:

pida Genuensium. Magna est harum faucium in bello opportunitas, ut qui eas prior occupaverit, hostem repellere levi negotio queat; si ad duce milites non deserantur, & si, qui vallem, montesque incolunt, armis aptissimi homines ac feri, consentiant. Tunc eas occupaverat prior Gagius, & praesidio cohortis imposito, atque additâ munitione diligenter tuebatur. Austriaci, ne faucium præoccupatione premerentur, impetum adversus montem facere in cohortem conantur, nostri, ne locum maximæ opportunitatis turpiter dimitterent, paratissimo erant ad propugnandum animo. Contenditur prælio; & nostri, quod loco, numeroque præstabant, celeriter hostes dederunt in fugam: fugientes sylvæ, tramitesque texerunt, a quibus illi protecti, atque

que occultati, paucis amissis, ad Octavium sese vicum receperunt, iisque sese adjunxerunt, qui submissi a Sculemburgio numero ad septem milia cum paulo ante vicum tenuerant, & nocti opportunum non longe a Lemure amne in valle collibus præseptâ locum, quâ necessarius erat nostris, & perangustus, si perrumpere vellent, aditus, hunc fossâ, atque aggere communiverant, & occupatis collium jugis, loci naturâ, atque operis munitione, circumjectisque ibi forte muris, quibus agri privatorum ambiebantur, freti prohibere nostros transitu sperabant. Quibus rebus cognitis, Gagius, profectionisque, utili demonstratum est, suscepto consilio, sarcinarum, atque impedimentorum magnam partem Genuam versus remitti jubet, quo tutius collocarentur, neque

neque multo militum præsidio ad ea
tuenda opus esset, ipse expeditiore,
& in tres partes distributo exercitu
occurseret hostibus. Dexteram partem
eo ire itinere jussit, quod ad mon-
tem pertinere Flacconium diximus,
eique ducem Vievilleum Legatum
præfecit: sinistræ Comitem Sevium
Legatum præposuit, qui præter mon-
tem Gazium eam duceret. Dux Mu-
tinensium, ipseque unâ Gagius me-
diæ aciei præfuerunt, & militari illâ
intra fauces viâ procellerunt. Equita-
tus post tergum rejectus, quod locis
asperis, atque concisis ejus inutilis
opera videbatur, lentius subsequeba-
tur, agmenque cogebat. Legatis man-
datum erat, ut iter moderarentur,
neu prius concurrerent, quam telum
emitti exaudirent, ut undique uno
tempore ad emissi teli fragorem in-
ho-

hostes impetus fieret, nullaque illis,
ut inferioribus numero, & ab utro-
que latere circumventis spes fugæ re-
linqueretur. Appropinquabat hostibus
Gagius; at Legati morabantur. Nam-
que circuitu majore, & ascendendis,
descendendisque collibus longius era-
Vievilleo iter; & Sevius præter ean-
dem intersepti itineris difficultatem
in ipsos imprudens inciderat hostes,
qui omnibus ab eâ parte saltibus de-
cessisse falso dicebantur, neque, certi
quid esset, sciri per exploratores po-
terat, quorum, ut supra docuimus,
mira erat paucitas. Ac tametsi loco
eos confestim cedere coegerit, id ip-
sum tamen suum hostibus iter ape-
ruerat, & moræ injecerat aliquantum
ut ab suo latere circumire in tem-
pore hostes, sicut convenerat, non
posset. At ii, qui in mediâ erant
acie,

Q



acie, cum pro se quisque in conspe-
ctu Ducis Mutinensium, & Comitis
Gagii Imperatorum etiam difficilimis
rebus operam navare cuperet, retineri
non potuerunt, quin locum subirent
iniquum, hostium ascenderent agge-
rem, adeo ut nonnulli sublevati alii
ab aliis in summâ consistere munitio-
ne, ibique propugnantes interficere
auderent. Hostes loco freti manu, &
naturâ munito facile nostros audacius
subeuntes deturbabant, &, cuin nul-
lum frustra jaculum desuper mittere-
tur, cædebant, videbaturque jam
non sine ingenti nostrorum cæde per-
rumpi posse, propterea quod magno
ipsi loci iniquitas præsidio, nostris
detrimento erat. Quod cum Gagius
animadvertisset, subito tormenta ali-
quot adduci, quibus agger diruere-
tur, & adversa locari jussit. Quâ re-

perterriti, simul cum alterâ ex parte
prope jam Sevius adesset, ex alterâ
Vievillæus descendere impressionem
jam facturus cerneretur, tum a fron-
te succedere nostri acriter non desi-
sterent, illi, relictâ munitione, ad
Octavium vicum, indeque citissimè
sese, circiter octingentis amissis, ad
Sculemburgium in castra receperunt.
Neque illorum quisquam superfuisset,
si aut Legati ab utroque latere, ut
erat præceptum, uno in hostes con-
currissent tempore, fugamque iis in-
terclusissent, aut fugientes pars equi-
tatus, quem omnem non satis pru-
denter rejectum esse post tergum di-
ximus consectari, atque opprimere
potuisset,

Recepto Gagius Octavio labo-
riosâ Gavium viâ proficiscitur, quam
etiam hostes interruperant, ut essent

nostri ad insequendum tardiores: quo cum tandem venisset oppidum ipsum, quod arcem habebat satis validam, communire, atque instruere jubet, ut eo pecuniam exercitus publicam, ægros, atque omnem belli apparatum conferret. Hæc dum ipse administrat, Vievillæum Legatum, qui primo agmini præterat ad occupandas Novas, & commeatum ab Genuâ subvectiōnem explicandam mittit; Sevium præterea Legatum mittit cum tormentis sex, duobusque millibus hominum ad expugnandam Serravallis arcem: quæ quanquam ad Iriam amnem posita naturâ probè munita esset, præsidiumque ibi ccc. militum legionariorum Sardiniae Rex haberet, quibus Roscius castrorum Præfectus præterat, nihilo tamen minus longinquam oppugnationem sustinere non po-

potuit. Vehementius enim a Sevio oppugnata, quam a Roscio defensa, cum jam militum præsidiariorum stationes ollis tactæ incendiariis deflagrassent, undecimo ab oppugnatione die, ditione factâ, capitur, & Genuensibus ex Aranguesiano fœdere attribuitur.

Interim Philippi, Gallorumque exercitus Subalpinorum præsidiis e saltibus Montisferrati dejectis, atque Aquis subito Statellis a Pignattello Legato occupatis, eâ felicitate, quæ plerumque adest novantibus res, omnem circa regionem in suam celeriter potestatem redegerant. Quibus cognitis Gagius discedendum Gavio, ulteriusque sibi progrediendum existimavit, ut, cum Philippi Gallorumque copiis conjunctis suis, uno consilio bellum administraretur, summa que:

que imperii ad Philippum Philippi Hispani Regis F. respiceret. Erant numero, & genere hominum præstantes copiæ Hispanorum, Gallorum, Neapolitanorum, Genuensium. Marchio Malibojus Gallis præerat Galliæ militiæ Magister: lxii. millia peditum, viii. equitum habere in armis dicebantur. Magna multitudo, magnus bue ex tantis viribus animus, ut nihil sibi impeditum, nihil hostibus tutum arbitrarentur. At Sculemburgius collectis, qui ab Octavio refugerant ad Ripaltam, Novis relictis, citatum agmen rapit, ibique loco munito, fluminibusque circumfuso castra locat de summâ rerum admodum sollicitus. Neque minus æstuans, labransque ab Augustâ Taurinorum Sardiniae Rex venerat in castra: quæ quidem Tanarum inter, Padumque amnes

amnes posita loci naturâ, pontibus, atque additis operibus munitissima erant, & ad bellum ducendum aptissima. Ipse enim præsidiis, locisque difficilibus hostium impetum frangere, & tractandis conditionibus, ac simulatione cum Gallis ineundæ societatis præsentem procellam devitare, consiliumque ex tempore, ac fortunâ capere meditabatur.

Ita Hispanis, qui nunquam vici, nunquam victores toties cum hoste conflixerant, & iis, qui Gagio Duce Pontificias ultro, citroque Provincias diù pererraverant, neque tamen quicquam profecerant, & iis, qui in alpibus ad Italiae portas sexennium jam fere obversati, in illam auxiliis etiam Gallorum irrumpere, cum saepe tentassent, nunquam potuerant; factâ cum Genuensis societate subito

128 DE BELLO ITALICO,
to in Cisalpinam iter Galliam patefa-
ctum est. Austriaci autem, qui magno
animo ingentique fiduciâ gerabant
bellum, quod & mare Britannis so-
ciis tenebant, & locis confidebant na-
turâ munitissimis, eosque ex Vorma-
ciensi fœdere spiritus sumpserant, ut
Italiam omnem suam dicerent, aliis eri-
perent, aliis donarent, modo respicere
se, & suis timere rebus cœperant;
Tanta traductis ad amicitiam, & so-
cietatem Borboniorum Genuensibus,
facta est rerum in Italiâ commuta-
tio.

F I N I S.